

春秋胡傳集二十五卷三十

				漢書門	
		四	二	七	五
		函	架	冊	類

內閣文庫			
二	四		漢
七	二		書
五	七		
函	五		
架	冊	號	類

內閣文庫		
番號	漢	4275
冊數	5	(5)
函號	275	13



春 秋 傳 卷 之 二 十 五

昭 及 中

生 王 十 有 一 年 五 月 癸 亥 日 卒 于 京 師 年 七 十 有 一

葬 於 京 師 西 門 外 萬 安 山 南 麓 禮 部 尚 書 孫 承 澤 墓 之 左 也

諡 文 獻 公 承 澤 字 伯 敬 號 石 湖 嘉 興 人 也 萬 曆 十 年 中 第 一 人

官 至 禮 部 尚 書 承 澤 性 剛 直 不 阿 諛 諂 嘗 言 於 帝 曰 臣 聞 古 之 為 臣 者

不 求 合 而 求 是 不 求 容 而 求 直 不 求 悅 而 求 信 不 求 利 而 求 義

不 求 名 而 求 實 不 求 功 而 求 名 不 求 利 而 求 義 不 求 合 而 求 是

不 求 容 而 求 直 不 求 悅 而 求 信 不 求 利 而 求 義 不 求 名 而 求 實

不 求 功 而 求 名 不 求 利 而 求 義 不 求 合 而 求 是 不 求 容 而 求 直

不 求 悅 而 求 信 不 求 利 而 求 義 不 求 名 而 求 實 不 求 功 而 求 名

不 求 利 而 求 義 不 求 合 而 求 是 不 求 容 而 求 直 不 求 悅 而 求 信

不 求 名 而 求 實 不 求 功 而 求 名 不 求 利 而 求 義 不 求 合 而 求 是

春秋胡傳卷之二十五

昭公中

景王十有三年晉昭三齊景十九衛靈六蔡

六年曹武二十六陳惠公吳元年杞平七宋元三秦哀八楚靈十二弒夷昧十五

春叔弓帥師圍費音註

費魯邑

費內邑也命正卿為主將舉大眾圍其城若敵國然者家臣强大夫弱也語不云乎有一言而可以終身行之者其怨矣夫已所不欲勿施於人所惡於下者毋以事上也所惡於上者毋以使下也然後家齊而國治矣季孫意如以所惡於下者事其上而不忠於其君以所惡於上者使其下而不禮於其臣出乎爾者反乎爾宜南蒯之及此也春秋之法不

書內叛反求諸已而已矣其書圍費欲著其實不殺之也

音註

惡去聲

夏四月楚公子比自晉歸于楚弑其君虔于乾

谿音註

乾谿楚地在譙國城父縣南。靈王

楚師伐徐楚子虔次于乾谿為之援公子棄疾君陳蔡主方城之外有觀從者率羣失職以棄疾命召比于晉既至脅比而立之令于乾谿日先至者復其田甲師潰而歸楚子經而死或曰昭元年楚虔弑立比出奔晉十三年比歸而虔縊于棘圍則比未嘗一日北面事虔為之臣虔又弑立罔非比之君矣而書曰比弑其君虔何也曰凡去國出奔而君不以為臣則晉於樂盈是也臣不以為君則公子鱣於衛是也若去國雖久而爵祿有列於朝出入有詔於國不掃其墳墓不收其田里不繫累其宗族即君臣之分猶在也比雖奔

晉而晉人以羈待比以國底祿固楚之亡公子也楚又未嘗錮之如晉之於樂盈比又未嘗不向楚而坐如子鮮之於衛安得以為比非楚臣而虔非比之君乎春秋書比弑其君虔明於君臣之義也或曰虔弑鄭敖以立比之獲罪豈無討賊之心而徒貪夫位歟曰春秋罪比不明乎君臣之義不責其無討賊之心夫比雖當次及之序而棄疾亦居楚國之常以取國言之比具五難而棄疾有五利此事之變也為比者宜乎效死不立若國有所歸為曹子臧魯叔肸不亦善乎不然身居令尹都貴戚之卿為社稷鎮亂不自已亦可也今乃脅於勢而忘其守怵於利而忘其義被之大惡欲辭而不可得矣為人臣而不知春秋守經事而不知其宜遭變事而不知其權者若此類是也悲夫聖人垂戒之意明矣

音註

君不以為臣則晉於樂盈事見左傳襄公二十一年臣不以為君則公子鱣於

衛事見左傳襄公二十七年底音音夫音音扶

楚公子棄疾殺公子比音註

公羊傳殺作弒

棄疾立比為王而已為司馬固君比矣而又殺之則宜書曰棄疾弒其君比而曰殺公子比何也初子干歸自晉觀從假棄疾命而召之來則來坎牲加書而強之盟則盟帥四族眾而使之入楚則入殺太子祿而立之為王則王周走而呼於國中謂眾怒如水火而逼之自殺則自殺其行止遲速去就死生皆觀從與國人所為比未嘗可否之也安得為棄疾之君乎然比兄也黑肱弟也棄疾其季弟也立比為王肱為令尹疾為司馬蓋國人以長幼之序立之也則宜書曰楚人殺比而春秋變文歸獄棄疾者誅其本意在於代比而非討之也所謂輕重之權衡曲直之繩墨而懷惡者亦無所隱其情矣

秋公會劉子晉侯昭齊侯景宋公元衛侯靈鄭

伯定曹伯武莒子邾子滕子薛伯杞伯小邾子

于平丘音註平丘衛地○晉復合諸侯也晉合諸侯由是止鄆陵之後參盟復作

晉非盟主矣

按左氏晉成虎初諸侯朝而歸者皆有貳心齊侯往朝于晉燕而投壺曰寡人中此與君代與晉人知其亦將貳也叔向曰諸侯不可以不示威乃並徵會治兵于邾南甲車四千乘遂合諸侯于平丘方是時楚人暴橫陵蔑中華在宋之盟爭晉先歃及晉之會仍讀舊書遂召諸侯為申之舉遷賴於鄆縣陳滅蔡此乃敵國外患臨深履薄恐懼省戒之時其君當倚於法家拂士以德脩國政其臣當急於責難陳善以禮格君心內結夏盟外攘夷

狄復悼公之業若弗暇也今乃施施然安於不競無憤耻自強之志惟宮室臺榭是崇是飾及諸侯皆貳顧欲示威徵會而以兵車耀之不亦末乎春秋之法制治于未亂保邦于未危貴事之預耻以苟成而不要諸道者也是以深惡此會如下文所取云明其義者然後知仲尼作經於一臺園之築一宮室門觀之作必謹而書以重民力其弭亂持危固結人心之慮遠矣

音註

中去聲橫去聲拂音弼惡去聲

八月甲戌同盟于平丘

音註書同盟劉子與盟也

按左氏晉將尋盟齊人不可叔向日諸侯有間矣不可以不示衆辛未治兵建而不旆主申復旆諸侯畏之辭諸魯曰寡人有甲車四千乘在雖以無道行之猶必可畏牛雖瘠債於豚上其畏不死南蒯子仲之憂庸可棄乎若奉晉之衆間其二憂何求而弗克請君無

勤魯人聽命甲戌同盟于平丘其書同盟者劉子與盟同懼楚也會與盟同地再言平丘者書之重詞之複其中必有美惡焉見行事之深切著明故詞繁而不殺也是盟蓋或善之而以爲惡何哉盟雖衰世之事然有定人道之大倫者矣有備天子之明禁者矣有束牲不歆相命而信自喻者矣有納斥侯禁侵掠誠格而不復叛者矣其次猶以載書詞命相爭約於大神而不敢越者則未聞主盟中國奉承齊犧而矜其威力恐迫諸侯又信蠻夷之訴絕兄弟之歡求逞私憤間其憂疑如此盟者流及戰國強衆相誇洞疑恐喝恣行陵暴死者十九積習所致有自來矣春秋禮義之大宗也曾是以爲善乎詞繁而不殺則惡其競力不道爲後世鑒也

音註

間去聲與音預殺去聲惡去聲

公不與盟

春秋

卷二十五

四

臣子之於君父隱諱其耻禮也十二國會于平丘公獨見辭不得與盟斯亦可耻矣曷為直書其事而不隱也晉主此盟德則不競而矜兵甲之威肆脅持之術以諸侯上要天子之老而軟血以中國同憐夷狄篡立之主而結盟無禮義忠信誠慤之心而以威詐泄之具此五不韙者得不與焉幸也聖人筆削春秋凡魯君可耻者必為之隱諱至會于沙隨而公不得見盟于平丘而公不得與自象人常情必深沮喪以為辱矣仲尼推明其故自反而縮雖晉國之嚴不可及也彼以其威我以其理彼以其勢我以其義夫何慊乎哉直書其事示後世立身行己之道也其垂訓之用大矣

音註

要平聲與音預

晉人執季孫意如以歸

稱人以執非伯討也自文以來公室微弱三家專魯而季氏罪之首也宿及意如尤為甚

邲元年伐莒疆邲十年伐莒取邲中分魯國以自封殖而使其君民食於家其不臣甚矣何以為非伯討乎晉人若按邾莒所訴有無之狀究南蒯子仲奔叛之囚告於諸侯以其罪執之請於天子以大義廢之選於魯卿更意如之位收歛私邑為公室之民使政令在君三家臣順則方伯之職脩矣今魯與邾邲通好亦不朝夕伐莒而邲邲之故又非昭公意也徒以邾莒之言曰我之不共魯故之以遂辭魯君而執意如則是意在貨財而不責其無君臣之義也何得為伯討

音註

邲古杏反

公至自會

蔡侯廬歸于蔡陳侯吳歸于陳

音註於是楚平王封陳蔡

而復之隱太子之子廬歸于蔡悼太子之子吳歸于陳則其書曰陳侯蔡侯何不與楚專封也

歸辭有三矣歸于鄭篡公子之辭也蔡季自陳歸于蔡宜得國公子之辭也衛侯鄭歸于衛嘗失國之君之辭也此未嘗有國也使王封之如失國辭然者不與楚專封也

楚處遷六小國於荆山又滅陳蔡而縣之及棄疾即位復諸遷國封蔡及陳隱太子有之子廬歸于蔡悼太子偃師之子吳歸于陳曰歸者順辭也陳蔡皆滅矣不稱復歸者不與楚處之得滅也其稱歸于者國其所宜歸也廬與吳皆亡世子之子也而棄疾封之可謂有奉矣不言自楚者不與楚子之得封也其稱侯者位其所固有也陳列聖之後蔡王室之親見滅於楚處而諸侯不能救復封於棄疾而諸侯不能與是以夷狄制諸夏也聖人至是懼之甚蓋有不得已焉制春秋為後法大要皆天子之事也其義則以公天下為心與滅國繼絕世異於自私其身欲擅而有之者也故書法如此為天下國家而不封建

欲望先王之治難矣

冬十月葬蔡靈公

公如晉至河乃復

吳滅州來音註

州來平公邑

景王十有四年

晉昭四齊景二十衛靈七蔡平二鄭定二曹武二十七卒

陳惠二杞平八宋元四秦哀九楚平王居元年吳夷昧十六

春意如至自晉音註

大夫不至必見執也而後至亦危之也

按左氏季孫猶在晉子服惠伯私於中行穆子曰魯事晉何以不如夷之小國土地猶大所命能具若為夷棄之使事齊楚何瘳於晉乃歸季孫其始執之為之邾莒之供而非有

扶弱擊強之義也其終歸之為土地猶大所
 命能具而非有不能救蔡為夷執親之悔也
 然則晉人喜怒皆以利發其勸沮皆以利行
 違道甚矣故平丘之會深加貶斥自是而後
 諸侯不合二十餘年至于召陵又以賄敗于
 有八國之諸侯而書侵楚以譏之於是晉日
 益衰外携內叛不復振矣利之能音註行音
 敗人國家乃如此春秋之深戒也音註杭為
 去聲復音註扶又反

三月曹伯滕卒音註

武公卒子平公頃立

夏四月

秋葬曹武公

八月莒子去疾卒音註

著丘公卒子郊公立是年奔齊著丘之弟庚

立是為共公

卒自外錄者也莒人來赴故魯史書其卒葬
 自內錄者也魯人不往是以闕其葬自昭公
 以來雖薛杞微國無不會其葬者何獨於莒
 則不往乎方是時意如專政而莒嘗訴其疆
 鄆取鄭之罪於方伯而見執矣為是怒莒故
 獨不會其葬也夫怨不棄義惡不忘親怒不
 廢禮在桓公時雖與衛戰而宣公卒則往葬
 之不以此私故絕吉凶慶弔往來施報之常禮
 也以此見意如之專恣矣若意如者其傲狠
 脩怨政施於昭公與莒子及其在晉聞除館
 西河則恐懼逃歸如一匹夫何也小人無禮
 喜怒勇怯不中節皆若是耳苟不遠之其能
 乎音註為去聲音註中音註去聲

冬莒殺其公子意恢

景王十有五年晉昭五齊景二十一衛靈八年

年陳惠三杞平九宋元五秦哀十楚平二吳夷昧十七卒

春王正月吳子夷昧卒音註 夷昧卒子王僚立

二月癸酉有事于武宮籥入叔弓卒去樂卒事

左氏曰禘于武宮叔弓泄事籥入而卒去樂卒事有事於宗廟聞大夫之喪則去樂而祭可乎按曾子問君在祭不得成禮者夫子語之詳矣而無有及大臣者是知祭而去樂不可也有事於宗廟遭大夫之變則以聞可乎按禮衛有大史柳莊寢疾君曰若疾革雖當祭必告是知祭而以聞不可也禮莫重於當祭大夫有變而不以聞則內得盡其誠敬之心於宗廟外全隱恤之意於大臣是兩得之也然則有事於宗廟大臣泄事籥入而卒於

其所則如之何禮雖未之有可以義起也有事於宗廟大臣泄事籥入而卒於其所去樂卒事其可也緣先祖之心見大臣之卒必聞樂不樂緣孝子之心視已設之饌必不忍輕徹故去樂而卒事其可也宗廟合禮者常事不書苟以為可則春秋何書乎此記禮之變而書之去上聲大音泰者也

夏蔡朝吳出奔鄭

朝吳蔡之忠臣雖不能存蔡而能復蔡其從於棄疾者謂蔡滅而棄疾必能封之也棄疾以其忠於舊君而信之使居舊國可謂知所信矣則曷為出奔費無極害其寵也無極楚之讒人去朝吳出奔蔡侯朱喪太子建殺連尹奢屏王耳目使不聰明卒使吳師入郢辱及宗廟讒人為亂可不畏乎為國有九經而尊賢為上勸賢有四事而去讒為首志朝吳出



奔而入郢之師兆矣然朝吳身居舊國處危
 疑之地苟有譖之者則王不能無動也能以
 忠信自任而杜讒諂之謀則善矣而費無極
 乃語之曰子亦長矣而在下位辱也欲為之
 請以名利累其心而莫之覺不智亦甚
 矣故特書其出奔以罪吳為後戒也
 音註
 去上聲屏上聲
 處上聲語去聲

六月丁巳朔日有食之

秋晉荀吳帥師伐鮮虞音註

嘗以晉矣荀吳何以無貶於初伐賤

餘實錄而巳爾

晉滅潞氏甲氏及再伐鮮虞皆用大夫為主
 將而或稱人或稱國或稱其名氏何也以殄
 滅為期而無矜惻之意則稱人見利忘義而
 以狄道欺詐行之則稱國以正兵加敵而不

冬公如晉

納其叛臣則稱名氏夫稱其名氏非褒之也
 纔免于貶爾而春秋用兵禦狄之畧咸見矣

景王十有六年

晉昭六年卒齊景二十二年衛靈
 九年九蔡平四鄭定四曹平二陳

惠十四年楚平三吳子僚元年

春齊侯伐徐音註

齊景有志于代興也

楚子誘戎蠻子殺之音註

戎蠻子嘉也

楚子之誘一也或名或不名者虔欲滅中國
 而棄疾討蠻氏謹華夷之辨也蔡侯與蠻子
 之見殺一也或名或不名者蔡般弑父與
 君蠻氏亂而無質其罪之輕重亦差矣

夏公至自晉

左氏曰公如晉平丘之會故也至是始歸者
晉人止公其不書諱之也昭公數朝于晉三
至于河而不得入兩得見晉侯又欲討其罪
而止旃其困辱亦甚矣在易之困曰困亨者
因困窮而致亨也夫困於心衡於慮而後作
徵於色發於聲而後喻此正憤悱自強之時
而夏少康衛文公越句踐燕昭王四君子者
由此其選也今昭公安于危辱無激昂勉勵
之志卽所謂自暴自棄不可與有爲而人亦
莫之告矣不亦悲乎諱而不書深貶之也

音註

數音朔
選去聲

秋八月己亥晉侯夷卒

音註 昭公率子頃
公去疾立

九月大雩

季孫意如如晉

冬十月葬晉昭公

景三二 十有七年 晉頃公去疾元年 齊景二十

平三 陳惠五 杞平十一 宋元
七 秦哀十二 楚平四 吳僚二

春小邾子來朝

夏六月甲戌朔日有食之

秋邾子來朝

八月晉荀吳帥師滅陸渾之戎

音註 自是凡滅
不復稱人

矣滅不書大夫者
吳也吳無大夫也

林父之于潞氏士會之于甲氏荀吳之于陸
渾戎皆滅之也而林父士會稱師稱人荀吳

舉其名氏何哉夷不亂華陸渾之戎密邇王室而縱之雜處則非膺戎狄別內外之義也與闢土服遠以圖強霸則異矣然舉其名氏非褒詞也纔得無貶耳則窮兵于遠虛內事外者可知音註父上聲處上聲

冬有星孛于大辰音註

大音泰

大辰心也心為明堂天子之象其前星太子後星庶子孛星加心象天子適庶將分爭也後五年景王崩王室亂劉子單子立王猛尹氏召伯立子朝歷數載而後定至哀十三年有星孛于東方不言宿名者不加宿也當是時吳人僭亂憑陵上國日敞于兵暴骨如莽其戾氣所感固將壅吳而降之罰也故氛祲所指在于東方假手越人吳國遂滅天之示人顯矣史之音註適音的單音善劉子單子有占明矣音註立王猛尹氏召伯立子朝

事見左傳二十二年二十六年三十二年暴音僕

楚人及吳戰于長岸音註

長岸楚地○吳楚始書戰自是楚復書人

君臣而見經者十八年吳入郢矣

言戰不言敗勝負敵也楚地五千里帶甲數十萬戰勝諸侯威服天下本非吳敵也惟不能去讒賤貨使費無極以讒勝囊瓦以貨行而策士奇才為敵國用故日以侵削至雞父之師七國皆敗柏舉之戰國破君奔幾於亡滅吳日益強而楚削矣是故為國必以得賢為本勸賢必以去讒賤貨為先不然雖廣土眾民不足恃也攻其所書本末強弱之由其為後世戒明矣

景王二十一年十有八年

晉頃二齊景二十四衛靈十
蔡平六鄭定六曹平四卒

陳惠六〔杞〕平十二〔宋〕元八
秦哀十三〔楚〕平五〔吳〕僚三

春王三月曹伯須卒

音註 平公卒子
悼公午立

夏五月壬午宋衛陳鄭災

音註 天火
日災

按左氏鄭災子產臨事而備至于書焚室而
寬其征與之材三日哭國不市使行人告於
諸侯宋衛皆如是陳不救火許不弔災君子
以是知陳許之先亡也初裨竈言於子產宋
衛陳鄭將同日火若我用瓊瑋玉瓚鄭必不
火子產弗與及鄭既災竈曰不用吾言鄭又
將火鄭人請用之子產不可曰天道遠人道
邇非所及也何以知之亦不復火裨竈所言
蓋以象推非妄也而鄭不復火者子產當國
方有令政此以德消變之驗矣是知吉凶禍
福固有可移之理古人所
以必先人事而後言命也

六月邾子貜音註

邾小國嬖姓禹之
後也音禹又音矩

秋葬曹平公

冬許遷于白羽音註

白羽楚邑一名折○十五
年楚平王復遷邑許自夷

還居葉此
自葉遷也

景王二十有九年

音註 頃三〔齊〕景二十五〔衛〕靈十
二〔蔡〕平七〔鄭〕定七〔曹〕悼公午

元年陳惠七〔杞〕平十二〔宋〕元
九〔秦〕哀十四〔楚〕平六〔吳〕僚四

春宋公伐邾

音註 莊

按左氏宋公伐邾圍蟲取之而經不書圍與
取何也初邾人籍稻邾人襲邾盡得之邾子
曰余無歸矣從帑於邾邾子及其夫人而舍
其女夫人宋向戌之女也故向寧請師圍蟲

取之盡歸郵存此所謂聲罪執言之兵歸郵之俘其善意也故書伐邾而釋其取邑之罪此亦善善長惡惡短之義

夏五月戊辰許世子止弑其君買音註

悼公弑止奔晉

弟斯立是為元公

按左氏許悼公癘戊辰飲世子止之藥卒書曰弑其君者止不當藥也古者醫不三世不服其藥夫子之所慎者三疾居其一季康子饋藥曰丘未達不敢嘗敬慎其身如此也而於君父可忽乎君有疾飲藥臣先嘗之父有疾飲藥子先嘗之蓋言慎也止不擇醫而輕用其藥藥不先嘗而誤進於君是有忽君父之心而不慎矣自小人之情度之世子弑君欲速得其位而止無此心故曰我與夫弑者不立乎其位哭泣歎飢粥益不容粒未逾

而卒無此心故被以大惡而不受自君子聽之止不當藥是忽君父之尊而不慎也而止有此心忽君父之尊而不慎此篡弑之萌堅冰之漸而春秋之所謹也有此心故加以大惡而不得辭書許世子止弑君乃除惡於微之意也而或者顧以操刃而殺與不躬進藥及進藥而不嘗三者罪當殊科疑於三傳之說則誤矣必若此言夫人而能為春秋奚待於聖筆乎墨翟兼愛豈其無父楊朱為我豈其無君孟軻氏辭而闢之以為禽獸逼人將相食後世推明其功不在禹下未有譏其過者知此說則知止不當藥春秋以為弑君之意音註啞音益喉也

巳卯地震

秋齊景高發帥師伐莒

冬葬許悼公

何以書葬穀梁子曰不使止為弑父也其說
曰子既生不免乎水火母之罪也羈貫成童
不就師傳父之罪也就師學問無方心志不
通身之罪也心志既通而名譽不聞友之罪
也名譽既聞有司不舉有司之罪也有司舉
之王者不用王者之過也許世子止不知嘗
藥累及許君也觀止自責可謂有過人之質
矣乃至以弑君獲罪此為人臣子而不知春
秋之義者也古者太子自其初生固舉以禮
有司端冕見之南郊過闕則下過廟則趨為
赤子而其教已有齊肅敬慎之端矣此春
秋訓臣子除惡於微積善於早之意也

註 見音現 齊音災

景王二十二年 二十一年 晉頃四 齊景二十六 衛靈十三 蔡平八 卒鄭定八 曹悼二 陳

八 杞平十四 宋元十 秦哀十五 楚平七 吳僚五

春王正月

夏曹公孫會自鄆出奔宋 音註

公孫會子臧之 子鄆子臧采邑

莫公 反

奔未有言自者此其言自何劉敞曰待放也
古者大夫有罪待放於其境三年君賜之環
則復賜之玦則去逾境則為位向國而哭素
衣裳冠不說人以無罪此去國之禮曹無大
夫其曰公孫賢之也待放而後出奔臣子常
禮免於貶足矣而何以賢之為公子喜時之
後賢之也喜時者曹之社稷鎮公子能以國
讓不取乎為諸侯所謂子臧是也春秋之義
善善也長惡惡也短善善及子孫惡惡止其
身以其賢者之後苟可善焉斯進之矣此舜

春秋 卷之五 十四

典罰弗及嗣賞延于世之意也後世議者有乞錄用賢者之類功臣之世蓋得春秋之旨矣

音註

善去聲

秋盜殺衛侯

靈

之兄縶

左氏以為齊豹殺之也齊豹為衛司寇守嗣大夫其書為盜所謂求名而不得者也若艱難其身以險危大人而有名章徹攻難之士好奔走之臣竊以為仲尼書斷此獄罪在宗魯宗魯孟縶之驂乘也於法應書曰盜非求名而不得者也天下豈有欲求險危大人之惡名而聖人又靳此名而不與者哉然則齊豹首謀作亂宗魯雖與聞行事又以身死之矣今乃釋豹不誅而歸獄於宗魯不亦頗乎曰豹之不義夫人皆知之也若宗魯欲事豹而死於公孟蓋未有知其罪者故琴張聞其死將往弔之仲尼曰齊豹之盜孟縶之賊汝

何弔焉非聖人發其食姦受亂蓋不義犯非禮之罪書於春秋則齊豹所畜養之盜孟縶所見殺之賊其大惡隱矣

冬十月宋華亥向寧華定出奔陳

十有一月辛卯蔡侯廬卒

音註 平公卒太子朱立

景王二十四年二十有一年 晉頃五齊景二十七衛靈定九曹悼三陳惠九杞平十五宋元十一秦哀十六楚平八吳僚六

春王三月葬蔡平公

夏晉侯

頃

使士鞅來聘

宋華亥向寧華定自陳入于宋南里以叛

音註

宋南里宋之南鄙也

按左氏初宋元公無信多私而惡華向三大夫謀曰亡愈於死先諸乃誘羣公子殺之公如華氏請焉弗許遂劫公取太子及其母弟以為質公怒攻之華向奔陳至是入于南里以叛凡書叛有入于戚者而不言衛有入于朝歌者而不言晉有入于蕭者而不言宋此獨言宋南里何也戚與朝歌及蕭皆其所食私邑也若南里則宋國城內之里名也傳稱華氏居廬門南里以叛而宋城舊勳及桑林門以守是華氏與宋分國而居矣故其入其出皆以南里繫之宋此深罪音註有入于戚叛臣逼脅其君已甚之詞也音註者而不言衛見襄公二十六年有入于朝歌者而不言晉見定公十三年有入于蕭者而不言宋見定公十一年

秋七月壬午朔日有食之

八月乙亥叔輒卒音註

叔弓之子伯張

冬蔡侯朱出奔楚音註

朱奔悼公景二十八年定十

公如晉至河乃復

平十六宋元平九吳徐七

春齊侯伐莒

庚

宋華亥向寧卒定自宋南里出奔楚

華向寧及華公子又劫其君取其太子母弟

春秋胡傳卷之二十五終

公收晉至城以鄭
里以叛而宋分國而居矣故其入其
 冬蔡封宋出奔蔡音持
東園正音持米奔蔡公
 八月丁亥妹薨卒音持
干前葬而不言宋月
 妹于民壬午照日休食之

春秋胡傳卷之二十六

昭公下

景王二十
 五年崩
 二十有二年晉頃六齊景二十八衛靈十五蔡悼二鄭定十

曹悼四陳惠十杞平十六宋元十二年秦哀十七楚平九吳僚七

春齊侯伐莒庚庚

宋華亥向寧華定自宋南里出奔楚

華向誘殺羣公子又劫其君取其太子母弟
 為質又求助於吳楚蠻夷入披其國都以叛
 此必誅不赦之賊也宋宜竭力必討之於內
 諸侯宜協心必救之於外楚子宜執叛臣之
 使而戮之於境今楚人釋君而臣是助諸侯
 之戍怠於救患固請逸賊而宋又從之則皆

罪也故晉荀吳齊苑何忌衛公子朝曹大夫皆略而不書其曰自宋南里者譏宋之縱釋有罪不能致討出奔楚者不待貶絕而亢不哀獎亂人之惡自見矣

大蒐于昌間音註

昌間魯地

昭公之時凡三書蒐或以非其時或以非其地而大意在權臣專行公不與也三綱軍政之本古者春蒐夏苗秋獮冬狩皆於農隙以講事而所主者明貴賤辨等列順少長習威儀則皆納民於軌物而非馳射擊刺之末矣是故觀于有莘少長有禮知可用也而文公遂霸臨于洛陽袒而發喪為義帝也而漢祖入俗舞於庭旅泰山以雍徹其宰則據大都執國命而軍政之本亡矣何以蒐為此春秋所書為後音註與音預○觀于有莘少長有戒之意也禮知可用也而文公遂霸見

左傳僖公二十八年○臨于洛陽袒而發喪為義帝也而漢祖遂王見前漢書高祖三年紀本

夏四月乙丑天王崩音註

景王崩子王猛立是為悼王是冬卒弟敬立王

六月叔鞅如京師音註

叔鞅叔弓子如京師始此

葬景王王室亂音註

周亂不書書王室亂則天子

世子頹亂鄭號討之子帶亂晉討之春秋不書猶有臣子焉耳於是景王崩悼王即位既葬矣子朝欲篡悼王而立凡歷悼敬五年而後定而訖於佚賊則天下無人紀矣何言乎王室亂王者以天下為家則以京師為室京師者本也周公作立政曰迪惟有夏

乃有室大競其作鷓鴣詩以遺成王亦曰既
 取我子無毀我室皆指京師言之也以京師
 為室王畿為堂諸夏為庭戶四夷為藩籬治
 外者先自內治遠者先自近本亂而未治者
 否矣景王寵愛子朝使孽子配嫡以本亂者
 其言王室譏國本之不正也本正而天下定
 矣唐虞公天下則相禪而與賢三代家天下
 則相繼而與子春秋兼帝王之道可公也則
 以達節為權故季札辭國貶而稱名可家也
 則以居正為大故莊公始生即書于策鄭突
 歸而不氏以國陽生入而得繫於齊此皆正
 本以及天下之義也其義苟行無易樹子王
 室豈有亂離之禍乎春秋書子同生於前
 而記王室亂於後其為來世法戒明矣

劉子單子以王猛居于皇音註

猛為宜立也是故春秋之誼苟宜立也則糾
 未得國成之為子糾猛未得京師成之為王

凡稱以者不以者也師而日以能左右之也
 地而日以能取與之也人而日以能死生之
 也尊不以乎卑貴不以乎賤大不以乎小劉
 蚤單旗臣也曷為能以王猛乎猛無寵於景
 王不能自定其位制在劉單其日以者能廢
 立之也按左氏景王太子壽以昭十五年卒
 至是八年矣猛與旬皆其母弟禮無疑於當
 立然久而未立者王愛庶子朝欲立以為嗣
 未果而王崩故諸大臣競立君諸王子爭欲
 立以正則有猛以寵則有朝猛雖正而無寵
 其威不足以攝羣下朝雖寵而不正其分不
 足以服人心二子廢立皆恃大臣強弱而後
 定者也故特稱日以而景王之弱其後嗣輕
 其宗社之罪亦著矣易曰王居無咎稱居于
 皇者明其有土音註分去聲王居無
 當得位之稱也音註答渙九五象

秋劉子單子以王猛入于王城音註王城邾郚
 也居于皇

言失京師也入于王城言得京師也

猛未踰年何以稱王示當立也既當立矣何以稱名明嗣君也曰王猛者見居尊得正又以別乎諸王子也君前臣名劉單不名而王名不嫌於倒置乎曰君前臣名常禮也禮當其變臣有不名其名而不嫌者矣王不當稱未踰年而稱王名不當稱立為君而稱猛皆禮之變也惟可與權者能知其變而不越乎道之中再書劉子單子之以王何也春秋詞繁而不殺者必有美惡焉劉子單子蓋挾天子以令諸侯而專國柄者也書而未足故再書于策以著上下外音註單音善逆為後世之深戒也音註殺音賽

冬十月王子猛卒音註

按通鑑王猛為庶弟子朝所弑

十有二月癸酉朔日有食之

敬王二十有三年

晉頃七齊景二十九衛靈十六蔡悼三卒鄭定十一曹悼

元年五陳惠十一杞平十七宋元十三秦哀十八楚平十吳僚八

春王正月叔孫舍如晉

癸丑叔鞅卒音註

叔鞅叔弓之子輒之弟也

晉人執我行人叔孫舍

晉人圍郊音註

郊周邑

按左氏晉籍談荀躒帥師軍于侯氏箕遺樂徵濟師軍其東南正月二師圍郊郊子朝邑也既不書大夫之名氏又不稱師而曰晉人微之也所謂以其事而微之者也當是時天子蒙塵晉為方伯不奔問官守省視器具徐遣大夫往焉勤王尊主之義若是乎書晉人

圍郊而罪音註躒即狄反徵知陵反
自見矣音現

夏六月蔡侯東國卒于楚音註悼公卒弟昭侯申立

秋七月莒子庚與來奔音註齊納郊公

左氏曰庚與虐而好劔苟鑄劔必試諸人國
人患之又將叛齊烏存帥國人逐之庚與來
奔齊人納郊公三代之得失天下仁與不仁
而已矣苟無仁心甚則身弑國亡不甚則身
危國削庚與免死道左而出奔於魯幸耳入
國不書而書其出奔惡之也郊公出人皆不
書微之也所謂以其人而微之者也微之為
義或以或以人或以事春秋書法達王事
名氏不登於史策音註好呼報反
若此類亦眾矣音註惡烏故反

戊辰吳僚敗頓胡沈蔡昭陳許之師于雞父胡

子髡沈子逞滅獲陳夏齧音註

雞父楚地父音甫夏齧徵舒

孫齧入聲○夷狄交相敗不書必敗中國而後
書吳敗頓胡沈蔡陳許之師胡子髡沈子逞滅
獲陳夏齧自入春秋未之有也

吳伐州來楚令尹帥師及諸侯之師與吳戰
曷為不書楚令尹既喪楚師已燔六國先敗
楚師遂奔是以不書楚也諸侯之師曷為略
而不序頓胡沈則其君自將蔡陳許則大夫
帥師言戰則未陳也言敗績則或滅或獲其
事亦不同也故總言吳人以詐取勝於前而
以君與大夫序六國於後胡沈書爵書名書
滅者二國之君幼而狂不能以禮自守役屬
于楚悉師以出一敗而身與眾俱亡也其曰
胡子髡沈子逞滅者若曰非有能滅之者咸
其自取焉耳亦猶梁亡自亡也鄭棄其師自
棄也齊人殲于遂自殲也或曰滅或曰獲別

君臣也君死曰滅胡子髡沈子逞是也生得
曰獲秦晉戰于韓原獲晉侯是也大夫生死
皆曰獲鄭獲宋華元生也吳獲陳夏齧死也
書其敗不以國分而以君大夫為序書其死
不以事同而以君臣為別皆所以辨上下定
民志雖顛沛必於是也其義行而亂自熄矣

音註 喪息浪反 燔子廉反

天王居于狄泉音註 狄泉地闕○居于狄泉言
未得至京師也於是王猛

卒敬王即位即王猛之母弟句也居于狄泉謂
之東王子朝入于王城謂之西王書曰天王居
于狄泉黜子朝也

尹氏立王子朝音註 此尹文公圍周世卿也書
尹氏立王子朝猶曰尹氏

所欲立也將以王天下獨尹氏立之則莫之與
矣王子不名惟卒名之非卒也而名之者敗也

是故救衛書子突奔
名子瑕立名子朝

立者不宜立也王猛當立而未能立故稱大
臣以之而不言立敬王當立又能立矣故直
稱居于狄泉而不言立子朝庶孽奪正以賤
妨貴基亂周室不當立者也故特稱立而目
尹氏尹氏天子之卿也王朝公卿書爵而變
文稱氏者見世卿之擅權亂國為後戒也或
曰稱氏者時以氏稱之也詩云王謂尹氏此
大雅美宣王詩也亦譏世卿歟為此說者誤
矣詩人主文而不以害意有美而或過有刺
而或深以意逆之可也春秋所書或稱爵或
稱字或稱名或稱氏或稱子或稱人名分所
由立是非所由定禮義所由出皆斷自聖心
游夏不能與也狗時之
所稱而稱之豈其然乎

八月乙未地震

冬公如晉至河有疾乃復

昭公兩朝于晉而一見止五如晉而四不得人焉今此書有疾乃復殺耻也以周公之胄千乘之君執幣帛修兩君之好而不見納斯亦可耻矣有耻而後能知憤知憤而後能自強自強而後能為善為善而後能立身立身而後能行其政令保其國家矣昭公內則受制於權臣外則見陵於方伯此正憂患疾疾有德慧術智保生免死之時也而安於屈辱甘處微弱無憤耻自強之心其夫

音註

好呼報反

敬王

二十有四年

晉頃八齊景三十衛靈十七蔡昭公申元年鄭定十二曹

悼六

陳惠十二杞平十八卒宋元十四秦哀十九楚平十一吳僚九

春王二月丙戌仲孫纘卒

音註

仲孫纘孟僖子也纘俱傳反

叔孫舍至自晉

大夫執而致則名此獨書其姓氏何賢之也叔孫舍以禮立身而不屈于強國以忠事主而不順于強臣此社稷之衛魯之良大夫也使昭公稍有動心忍性强于為善之意舉國以聽豈其死于乾侯觀意如之稽顙于昭子叔孫之以逐君責意如其事可見矣及意如有異志而昭子使祝宗祈死所謂知其無可奈何安之若命者故舍至自晉特以姓氏書其死也公雖在外而特書日以

音註

意如稽顙于昭

事見左傳二十五年

夏五月乙未朔日有食之

秋八月大雩

春秋

卷二十六

七

丁酉杞伯郁釐卒音註

平公卒子悼公成立

冬吳滅巢

巢楚之附庸實邑之也書吳入州來著陵楚之漸書吳滅巢著入郢之漸四鄰封境之守既不能制則封境震矣四境國都之守既不能保則國都危矣故沈尹戌以此為亡郢之始也春秋內失地不書明此為有國之大罪外取滅皆書明見取滅者之不能有其土地人民則不君矣故諸侯之寶三以土地為首

葬杞平公

敬王二十有五年

孟頃九齊景三十一衛靈十

陳惠十三杞悼公成元年宋元十五年秦哀二十楚平十二吳僚十

春叔孫舍如宋

夏叔詣會晉趙鞅宋樂大心衛北宮喜鄭游吉

曹人邾人滕人薛人小邾人于黃父音註

詣五計反

黃父晉地即黑壤父音甫於是敬王謂之東王子朝謂之西王晉侯使蒞問周故期以明年而後為黃父之會又明年而荀躒趙鞅之師出是故天王書出入而晉師克鞏不書書克鞏是討子朝也

按左氏鄭子太叔如晉范獻子曰若王室何對曰王室之不寧大國之憂晉之耻也吾子其早圖之獻子懼乃徵會于諸侯會于黃父謀王室也趙簡子令諸侯之大夫輸王粟具戍人將納王夫以王猛之無寵單旗劉盭之屢敗敬王初立于朝之眾召伯奭南宮嚚甘

桓公之黨疑若多助之在朝也然會于黃父
凡十國而諸侯之大夫無異議焉是知邪不
勝正久矣猶有寵愛庶孽配適奪正至于滅
亡而不寤者不知幽王晉獻之父亦何足
效哉然則黃父之會王事也而無美辭何也
王室不靖亦惟友邦冢君克修厥職以綏定
王都非異人任亦何美之有免于譏貶是矣
此春秋以正待人之體也後世以濫賞報臣
子所當為之事為臣子者
亦受而不辭失此義矣

有鸛鵒來巢音註

鸛鵒鳥名鸛其具反鵒音欲
○此鳥穴居不在魯界故曰

巢來

傳曰鸛鵒不踰濟濟水東北會于汶魯在汶
南其所無也故書曰有巢者去穴而巢陰居
陽位臣逐君象也鸛鵒宜穴處于下而巢居
于上季孫宜臣順于家而主祭于國反常為

異之兆能以德消則無其應矣
或曰此公子宋有國之祥也

秋七月上辛大雩季辛又雩

左氏以再雩為旱甚聖人書此者以志禦災
之非道而區區于禱祠之末也昭公之時雨
雹地震四見於經旱乾為虐相繼而起有鸛
鵒來巢異之甚也季辛又雩災之甚也考諸
列位則國有人焉觀諸天時則猶有眷顧之
心未終棄也若反身修德信用忠賢災異之
來心可禦矣昔高宗彤日雉升鼎耳異亦甚
矣聽于祖已克正厥事故能嘉靖殷邦享國
長久宣王之時旱魃蘊隆災亦甚矣側身修
行遇災而懼故能興衰撥亂王化復行此皆
以人勝天以德消變之驗也昭公至是猶不
知畏罔克自省而求于禱祠之末將能勝乎
故特書此以
音註 雨雹地震四見于經事見
為後世鑒 三年四年大雨雹十九年

二十三年地震旱乾為虐相繼而起事見三年六年八年十六年二十四年及此年七書雩彤音融又音同

九月巳亥公孫于齊次于陽州音註

陽州齊魯竟上邑孫

音遜往也。公行書次自莊以來未之有也。于是再見其再見何以昭公之失國不可不詳其所往也。

內出奔稱孫隱也。次于陽州待齊命也。昭公欲伐季氏子家子曰季氏得民久君無多辱公不從意如登臺而請待于沂上以察罪弗許請囚于費弗許請以五乘亡弗許子家子曰君其許之政自之出久矣隱民多取食焉為之徒者衆矣日入隱作弗可知也弗聽叔孫氏之司馬陷西北隅以入孟氏殺郈昭伯遂伐公徒公與臧孫如墓謀遂行以君作

曷為不勝魯自東門遂殺適立庶魯君子是乎失政祿去公室政在季氏于此君也四公矣作三軍盡征其一舍中軍兼有其二民賦入于其家半矣受命救台也遂入鄆帥師取下也不以聞軍政在其手專矣行父片言而東門氏逐南蒯一動而公子愁奔魯之羣臣亦無敢忠于公室而獻謀者所謂屯難之時也在易屯之六五日屯其膏小貞吉大貞凶象曰屯其膏施未光也昭公不明乎消息盈虛之理正身率德擇任忠賢待時馴致不忍一朝之忿求逞其私欲而以羣小謀之其及也宜矣

齊侯

景

唁公于野井音註

井齊地

唁者弔也生事曰唁死事曰弔齊侯唁公于野井以遇禮相見孔子曰其禮與其辭足觀矣然則何以失國而不反乎禮有本末正身治人禮之本也威儀文辭禮之末也昭公喪

齊歸無感容而不顧娶孟子為夫人而不命
政令在家而不能取有子家子之賢而不能
用而屑屑焉習儀以亟能有國乎雖齊侯來
唁其禮與辭是矣而方伯連帥之職則未修
也又豈所以為禮哉其言曰自莒疆以西請
致千社將率敝賦以從而子家子曰失魯而
以千社為臣誰與之立且齊君無信不如早
之晉書曰唁公亦明其無納公之實譏之也

冬十月戊辰叔孫舍卒

十有一月己亥宋公佐卒于曲棘音註

曲棘宋地今陳

留外黃縣城中有曲棘里是也○元公卒于景公頭曼立

按左氏宋元公為公故如晉卒于曲棘曲棘
宋地也宋元之夫人曹氏生子妻意如或謂
曹氏勿與魯將逐之曹氏告元公公告樂祁
祁曰與之如是魯君必出無民而能逞其志

者未之有也魯君失民久矣然則宋元意如
之外舅也不此之顧而求欲納公是以正倫
恤患為心而不匿其私親之惡者也其賢于
當時諸侯遠矣故雖卒于封內而特書其地
以別之也

十有二月齊侯景取鄆

鄆魯邑也直書齊侯取之何也齊不自取而
為公取鄆使居之也昭公出奔經書次于陽
州見公于魯未絕而季氏逐君為不臣及書
齊侯取鄆則見公已絕于魯而逐于季氏為
不君君者有其土地人民以奉宗廟之典籍
者也已不能有而他人是保則不君矣春秋
之義欲為君盡君道為臣盡臣道各守其職
而不淪也昭公失君道季氏為亂臣各淪其
職而不守矣其為後
世戒深切著明矣

敬王二十有六年晉頃十齊景三十二衛靈十四年九蔡昭三鄭定十四曹悼八陳惠十四杞悼二宋景公樂元年秦哀二十一楚平十三卒吳條十一

春王正月葬宋元公

三月公至自齊居于鄆

居者有其土地人民之稱也昭公失國出奔而稱居于鄆者存一國之防也襄王已出而稱居于鄭敬王未入而稱居于狄泉者存天下之防也天子之于天下率土之濱莫非其臣非諸侯所敢擅也諸侯之于封國四境之內莫非其土非大夫所得專也故諸侯避舍以待巡狩而大夫專邑是謂叛君曰居于鄆其為防也至矣

夏公圍成

成者孟氏之邑左氏曰齊侯將納公命無受魯貨申豐適齊貨梁丘據據受之言于齊侯曰羣臣不盡力于魯君者非不能事君也據有異焉宋元公為魯君如晉卒于曲棘叔孫昭子求納其君無疾而死不知天之棄魯邪抑魯君有罪于鬼神故及此也若使羣臣從魯君以下師有濟也而繼焉茲無敵矣齊侯從之使公子鉏帥師從公圍成不書齊師者景公休于邪說為義不終故微之也書公圍成則季氏之不臣昭公之不君齊侯之不能修方伯連帥之職其罪咸具矣音註 為于偽反鉏社居反林雪律反帥所類反

秋公會齊侯莒子邾子杞伯盟于鄆陵音註 鄆

地闕鄆音專又市轉反○此參盟也參盟自齊桓以來未之有也于是再見何晉不復主盟矣十六年齊徐莒邾嘗盟于蒲遂十九年宋邾鄆徐嘗盟于蟲則諸侯有不待伯主而自盟會者

矣于是書以晉之不復主盟也

公至自會居于鄆

九月庚申楚子居卒

平王卒子昭王軫立

冬十月天王入于成周

言始得京師也昔者惠王出入皆不

書襄王雖書出猶不書入也于是悼王自皇敬王自狄泉則曷為皆書入幸之也于室亂矣入

無足諱焉爾于成周猶未得王都也

左氏曰晉知罃趙鞅帥師納王入于成周使成公般戍周而還不曰入于京師者京師衆

人之稱不可繫之入也且曰成周云者黍離而次不列于雅降為國風之意而景王寵愛

庶孽弱其世音註知音智罃音瀝還音適之罪著矣旋孽魚列反適音嫡

尹氏召伯毛伯以王子朝奔楚

取國有五利寵佑一焉子朝有寵於景王為之黨者衆矣卒不能立至於奔楚何也是非

有出於人之本心者不可以私愛是亦不可以私惡非卒歸於公而止矣景王寵愛子朝

將斬於見是而天下不以為是疎薄子猛將斬於見非而天下卒不以為非徒設此心兩

棄之也庶孽憑寵為羣小之所宗而人心不附適子恃正人心之所向而羣小不從故伯

服雖殺而平王亦不能復宗周之盛申生已死而奚齊卓子亦不能勝里克之兵是兩棄

之也景王不鑒覆車王猛子朝之際危亦甚矣春秋詳書為後世戒可謂深切著明也哉

音註 惡鳥故反 適音嫡

敬王二十有七年

晉頃十一 齊景三十三 衛靈公二十 蔡昭四 鄭定十五 曹悼

九卒陳惠十五祀悼三宋景二秦哀
二十二楚昭王軫元年吳僚十二弑

春公如齊公至自齊居于鄆

夏四月吳弑其君僚音註公子光立

此公子光使專諸弑之而稱國何也吳子壽
夢有四子長諸樊次餘祭次夷昧次季札光
相及必欲致國於季子而季子終不受則國
宜之光者也僚烏得為君故稱國以弑而不
歸獄於光其稱國以弑者吳大臣之罪也大
臣任大事事莫大於置君矣故君存而國本
定君終而嗣子立社稷嘉靖人無間言此秉
政大臣之任伊召之所以安商周孔明之所
以定劉漢也若廢立進退出于羣小鬪寺而
當國大臣不預焉則將焉用彼相矣此春秋
歸罪大臣稱國弑君之意其經世之慮深矣

音註 長展兩反祭側界反間去聲召音
邵寺音恃焉於虔反相息亮反

楚昭殺其大夫郤宛

秋晉頃士鞅宋元樂祁犁衛靈北宮喜曹悼人

邾莊人滕悼人會于扈

按左氏扈之會令戊周且謀納公也宋衛皆
利納公固請之士鞅取貨於季孫謂樂祁北
宮喜曰魯君守齊三年而無成季氏甚得其
民淮夷與之有十年之備有齊楚之援有堅
守之心有列國之權而弗敢宣也事君如在
國鞅以為難二子皆圖國者也而欲納魯君
請從二子以圍魯無成死之二子懼皆辭乃
辭小國而以難復文十五年諸侯盟于扈將
為魯討齊齊侯賂之而不克討故在會諸侯
略而不序今此謀納公亦以賂故不克納而

諸國之大夫皆序何也曰利于納公者宋衛之大夫也受賂而不欲納公者獨范鞅主之耳又况戎周之令行乎所以列序而不略也以此見聖人取舍之大情而輕重審矣

註爲于僞反舍音捨

冬十月曹伯午卒音註

悼公卒弟聲公野立

邾莊快來奔

公如齊公至自齊居于鄆

敬王二十有八年晉頃十二齊景三十四衛靈公卒蔡昭五鄭定十六卒

曹聲公野元年陳惠十六杞悼四宋景三秦哀二十三楚昭二吳子闔廬元年

春王三月葬曹悼公

公如晉次于乾侯音註

乾侯晉境內邑在魏郡

夏四月丙戌鄭伯寧卒音註

定公卒子獻公薑立

六月葬鄭定公

秋七月癸巳滕子寧卒音註

悼公卒子頊公結立

冬葬滕悼公

敬王二十有九年

晉頃十三齊景三十五衛靈公卒蔡昭六鄭獻公薑元

年曹聲二陳惠十七杞悼五宋景四秦哀二十四楚昭三吳闔廬二

春公至自乾侯居于鄆齊侯使高張來唁公音註

註高張高偃子

遣使來唁淺事也亦書于經者罪齊侯不能
修方伯連帥之職也昔狄人迫逐黎侯黎侯
寓于衛衛人弗恤黎之臣子勸其君以歸而
賦式微其一章曰微君之故者以事求人而
人不可有其事是謂微君之故若昭公見逐出
奔而齊莫之討淹恤日久而齊莫之納微君
之故矣其二章曰微君之躬者以身下人而
人不可不有其身是謂微君之躬若齊侯設禮以
享而使宰獻遣使來唁而稱主君微君之躬
矣諸侯失國託于諸侯禮也諸侯失國諸侯
納之正也齊之先世嘗主夏盟而太公受先
王五侯九伯之命矣魯為鄰境甥舅之國也
昭公朝夕立于其朝曾不能陳師境上討
意如逐君之罪而遣使唁公豈得禮乎

註使疏史反帥所類反

公如晉次于乾侯

夏四月庚子叔詣卒

秋七月

冬十月鄆潰

民逃其上曰潰自是昭公削迹于魯尺地一
民皆非其有矣公之出奔處鄆四年民不見
德亡無愛徵至于潰散豈非昏迷不返自納
于罟獲陷窳之中其從者又皆艾殺其民視
如土芥其下不堪所以潰歟然則去宗廟社
稷出奔而猶不惕然恐懼斬改過以補前行
之愆也自棄其矣欲不亡
音註徵知陵反畧
得乎噫故書以為後世戒
反窳才性反從才用反
艾魚列反行下孟反

敬王三十年晉頃十四卒齊景三十六衛靈二

八年十三蔡昭七鄭獻二曹聲三陳惠

十八杞悼六宋景五秦哀
二十五楚昭四吳闔廬三

春王正月公在乾侯

公去社稷于今五年每歲首月不書公者在魯四封之內則無適而非其所也至是鄆潰客寄乾侯非其所矣歲首必書公之所在者蓋以存君不與季氏之專國也而罪臣子譏諸侯之意具矣唐武后廢遷中宗革命自立史臣列于本紀欲著其罪而君子以為非春秋之法其言曰天下者唐之天下中宗受之于其父武后安得絕先君之世復繫嗣君之年黜武氏之號自以為竊取春秋之義信矣

音註

復扶又反

夏六月庚辰晉侯去疾卒

音註

去上聲○頃公卒子定公午立

秋八月葬晉頃公

冬十有二月吳滅徐徐子章羽奔楚

敬王三十有一年晉定公午元年齊景三十七

曹聲四陳惠十九杞悼七宋景六

春王正月公在乾侯季孫意如會晉荀躒于適

歷音註

躒力狄反適歷晉地○書公在乾侯季孫意如會晉于適歷以見晉人釋君而

助臣也晉士鞅會諸侯之大夫于扈將以納公取貨於季孫而遂不果荀躒復為此會昭公所

以死于外也襄昭之際大夫無君之禍晉人為之也左氏曰晉侯將以師納公士鞅曰若召季孫而不來則信不臣矣然後伐之若何晉人召季孫鞅使私焉曰子必來我受其無咎意如出君不事專有魯國晉實主盟不能致討而

寵以會禮不亦悖哉或曰季孫事君如在國未知其罪而君伐之是昭公之過也則非矣行貨齊晉使不納公禱於煬宮求君不入及其復也猶欲絕其兆域加之惡謚安在乎事君如在國猶曰未知其罪乎齊晉不能誅亂禁姦悖君臣之義不知其從自及也陸淳以謂逐君之臣晉不之罪而反與為會書曰意如會晉荀躒于適歷晉侯之為盟主可見矣荀躒之為人臣可知矣此不待貶絕音註而罪惡見者也得春秋所書之意矣音見

夏四月丁巳薛伯穀卒音註獻公卒子襄公定立

晉侯使荀躒唁公于乾侯

秋葬薛獻公

冬黑肱以濫來奔音註傳曰邾黑肱也其不繫之邾濫嘗自別於邾也

圍戚不曰圍衛戚取邾不曰取我邾皆如二君之辭也

十有二月辛亥朔日有食之

敬王三十有二年音定二齊景三十八衛靈二

陳惠二十祀悼八宋景七秦哀二十七楚昭六吳闔廬五

春王正月公在乾侯取闕音註闕魯地在東平須昌縣東南

夏吳伐越音註吳始伐越

秋七月

冬仲孫何忌會晉定韓不信齊景高張宋景仲

幾衛

靈

世叔申鄭

獻

國參曹

聲

人莒

郊

人薛

襄

人杞

悼

人小邾人城成周音註

世叔申世叔儀孫也國參子產

子也○諸侯有事于京師皆不書僖十三年十六年戌周不書襄二十四年城周不書以是為常事也書城成周則請而後城之是非常也是役也晉魏舒南面韓不信專執于京師宋仲幾不受功齊高張後大夫之無王甚矣其不日京師而曰成周以見周與列國等耳

天子有道守在四夷今至於城王都可以不書乎不曰城京師而曰城成周者京師衆大之稱成周地名也與列國等矣

十有二月己未公薨于乾侯

諸侯失國出奔者衆矣鄭伯寔為祭仲所逐而奔于櫟而復國衛侯衍為孫甯所逐

而出奔入于夷儀而復國昭公在外八年祭以客死為天下笑何也祭仲雖專而世權不重於季氏衛侯失國猶夫人也而有推挽之上卿至於意如專執國命四世矣其臣皆季氏之孚也其民皆季氏之獲也而昭公有一子家駒言不見聽計不行也不能復國宜矣故春秋詳錄其所因為後世之戒公雖失國然每歲之首月必書公在乾侯誅意如也書齊侯取鄆公圍成鄆潰經昭公也為人臣者觀每歲必書公所在必不敢萌跋扈不臣之心為人君者觀春秋所書圍成鄆潰知社稷之無常奉也亦必少警矣嗚呼可謂深切著明者矣

春秋胡傳卷之二十六

終

春秋列傳卷之二十七
附林堯叟音註括例始末
魯定公上
公名宋襄公庶子昭公之弟謚法安民大慮曰定

春秋列傳卷之二十七

附林堯叟音註括例始末

魯定公上
公名宋襄公庶子昭公之弟謚法安民大慮曰定

周 敬王十一年

鄭 獻公五年定九年獻公卒子聲公勝立

齊 景公三十九年

宋 景公八年

晉 定公三年晉魏舒為政是年卒范鞅為政定十四年晉逐范中行氏趙鞅歸于晉自是晉知氏韓氏魏氏趙氏並疆分晉之勢成矣

衛靈公二十六年

蔡昭侯十年

曹隱公元年魯定公四年聲公弟露弒隱公代立是為靖公定八年靖公卒子陽立

滕頃公五年

陳惠公二十一年魯定公四年惠公卒子懷公柳立定八年懷公卒子閔公越立

杞悼公九年魯定公四年悼公卒子隱公乞立是年七月隱公弟遇弒隱公自立是為僖公

薛襄公二年魯定公十二年襄公卒子比立定十三年比弒惠公夷立又名寅

莒公郊

邾莊公三十三年魯定公十三年莊公卒子隱公益立

許許男斯十四年魯定公六年鄭滅許以斯歸弟元公成立

小邾許見昭公元年

楚昭王七年魯定公四年吳人楚楚令尹子常奔鄭昭王復國于西為令尹

秦哀公二十八年魯定公九年哀公卒孫惠公立

吳闔廬六年魯定公四年吳人楚于越入吳定十四年于越敗吳于攜李闔廬傷而卒子夫

差立

越越子允常魯定公四年越入吳定十四年允常卒子句踐立吳闔廬聞允常死率師伐越

句踐敗吳于攜李射殺闔廬

敬王十年元年年
晉定三齊景三十九衛靈二十六
蔡昭十鄭獻五曹隱公通元年陳

春秋 卷二十七
惠二十一年 杞悼九 宋景八 秦哀二十八 楚昭七 吳闔廬六

春王

元年必書正月謹始也定何以無正月昭公薨于乾侯不得正其終定公制在權臣不得正其始魯于是曠年無君春秋欲謹之而不可也季氏廢太子衍及務人而立公子宋宋者昭公之弟其主社稷非先君所命而專受之于意如者也故不書正月見魯國無君定公無正主人習其讀而問其音註見音現傳傳則未知已之有罪焉爾

三月晉人執宋仲幾于京師音註

幾音機大夫專執于是始

按左氏諸侯會城成周宋仲幾不受功曰滕薛邠吾役也為是執之則有罪矣書晉人執仲幾于京師則貶詞也以王事討有罪何貶乎按周官司隸掌凡囚執人之事屬于司寇

凡諸侯之獄訟定以邦典凡卿大夫之獄訟斷以邦法則大司寇之職也不告諸司寇而執人于天子之側故雖以王事討有罪猶貶凡此類皆篡弑之萌履霜之漸執而書其地謹之也每謹于初而禍亂熄矣音註為于偽反

夏六月癸亥公之喪至自乾侯戊辰公即位

昭公之薨已越葬期猶未得返至于六月癸亥然後喪至而定之即位乃在是月之戊辰蓋遲速進退為意如所制不得專也以周書顧命考之成王之崩在四月乙丑宰臣太保即于是日命仲桓南宮毛俾爰齊侯呂級以二千戈虎賁百人逆王世子釗于南門之外延入翼室宅憂為天下主不待崇朝而後定也今昭公喪至在葬期之後公子宋自壞墜先入猶未得立是知為意如所制不得以時定非謂正棺于兩楹之間故定之即位不可

春秋

卷二十七

七

不察也夫即位大事也宗嗣先定則變故不生蓋代君享國而主其祭宜戚宜懼一失機會或萌窺伺之心至于生變則為不孝矣古入所以貴于早定國家之本也今昭公之薨定公之即位春秋詳書于策非音註貴音奔為後法乃見諸行事為永鑒耳音註賈徒回反伺音筭見音現

秋七月癸巳葬我君昭公

九月大雩

立煬宮音註

煬去聲

煬公伯禽之子其曰立者不宜立也喪事即遠有進而無退宮廟即遠有毀而無立

冬十月隕霜殺菽

殺梁子曰菽舉重也未可以殺而殺舉重可殺而不殺舉輕其象則刑罰不中之應**音**

註中陟仲反應于禁反

敬王十二年晉定四齊景四十衛靈二十七蔡昭十一鄭獻六曹隱二陳惠二十

春王正月

夏五月壬辰雉門及兩觀災音註

觀音貫

秋楚人伐吳

冬十月新作雉門及兩觀

書新作者譏僭王制而不能革也雉門象魏之門其外為庫門而臯門在庫門之外其內

春秋

卷二十七

四

為應門而路門在應門之內是天子之五門也僖公嘗脩泮宮復闕宮非不用民力也而春秋不書新作南門則獨書者南非一門也必有不當為者子家駒以設兩觀為僭天子是非諸侯之制明矣夫撥亂反正者必本諸身身正者物必正春秋于僭君必書者必正之意也使定公遇災而懼革其僭禮三家陪臣雖欲僭諸侯執國命其敢乎習舊而不知以為非何以禁季氏之脅其主矣故特書新作以譏之也

敬王十三年晉定五齊景四十一衛靈二十八

十三年杞悼十一宋景十秦

春王正月公如晉定至河乃復

二月辛卯邾子穿卒音註莊公卒子隱公益立

夏四月

秋葬邾莊公

冬仲孫何忌及邾子盟于拔音註拔魯地公羊傳作枝

敬王十四年晉定六齊景四十二衛靈二十九

二十四卒杞悼十二卒宋景十一

春王二月癸巳陳侯吳卒音註惠公卒子懷公柳立

三月公會劉子晉侯定宋公景蔡侯昭衛侯靈

陳子懷鄭伯獻許男隱曹伯隱莒子郊邾子隱

頓子胡子滕子薛伯杞伯小邾子齊景國夏于

春秋卷二十七

召陵侵楚音註

晉楚交兵止此。○傳曰：劉文公合諸侯至平丘而止，則是役劉子為之也。劉子

定內難，復辟于周，而楚納子朝於是，合十有八國之師伐楚，雖五伯未有盛於此者也。以周之不競，而能合諸侯盛於五伯，俄而劉子卒，君子蓋深悲之也。

按左氏傳書伐而經書侵楚者，楚為無道，憑凌諸夏，為一裘一馬，拘唐蔡二君，三年而後遣蔡侯既歸，請師於晉，晉人請命于周，大合諸侯，天子之元老在焉，若能暴明其罪，恭行

天討，庶幾哉！王者之師，齊桓晉文之功，福矣。有荀寅者，求貨於蔡侯，弗得，遂辭蔡人，晉由是失諸侯，無功而還。

音註：傳林戀反為于僂，書曰：侵楚，陋之也。

旋下音註：反暴滿卜反還音。

竝同音註：反暴滿卜反還音。

竝同音註：反暴滿卜反還音。

夏四月庚辰，蔡公孫姓帥師滅沈，以沈子嘉歸。

殺之音註

姓音性，又作生。

沈人不會于召陵，晉人使蔡伐之，書滅沈，罪公孫姓也。書以歸罪沈子嘉也。書殺之，罪蔡

侯也。奉詞致討而覆其邦，家為敵所執，不死于位，皆不仁矣。所惡於前，無以先後出乎爾

者，反乎爾者也。蔡侯視楚猶沈，視蔡也。昭公拘於野，三年而後反，非以國小而弱乎？沈雖

不會，召陵未有大罪惡也。而恃強殺之，甚矣。能無公孫翩之及哉？宋以曹伯陽歸，蔡以沈

子嘉歸，皆殺之也。而或書或不書，其不書者，賤而略之也。

音註：覆音腹惡，鳥故反先。

五月公及諸侯盟于臯鼬音註

臯鼬鄭地，即成臯也。鼬由又反。

○有晉侯在何以書及諸侯盟非晉主盟也公會諸侯盟于薄公會諸侯盟于宋皆後至之文也非後至也而曰公及諸侯盟則以魯主之也是故書及劉卷卒諸侯無會同於是有特相盟者矣

定公之立上不請於天王下不告於方伯而受國於季孫意如故三年朝晉至河而復今會諸侯求為此盟書公及者內為志也召陵之會必序不序十有八國之諸侯則無以見侵楚之陋臯鼬之盟序與不音註見音序非義所繫則以凡舉可也

杞伯成卒于會

六月葬陳惠公

許遷于容城音註

容城地闕

秋七月公至自會

劉卷卒音註

劉卷即劉裕也卷音拳又音倦○卒之於襄王之難有王子虎馬於敬王之難有劉卷焉君子曰王室其庶幾乎而無救於周是故特卒之也司馬遷於諸國世家多卒孔子蓋知此者也

葬杞悼公

楚人圍蔡

晉士鞅衛孔圉帥師伐鮮虞音註

士鞅即范鞅孔圉即文子

葬劉文公音註

劉文公即劉卷

冬十有一月庚午蔡侯以吳子及楚人戰于柏

舉楚師敗績楚囊瓦出奔鄭音註

師能左右之

曰以皆陳曰戰囊瓦即子常也。於是晉辭蔡侯天下諸侯無與憂蔡者而愬之吳吳子與師以伐楚是則夷狄憂中國也是故吳始稱子書戰書敗皆進吳也而楚囊瓦貶稱人

吳何以稱子善伐楚解蔡圍也荆楚暴橫盟主不能致其討天王不能達其命長惡不悛復興師而圍蔡王法所當討而不赦也吳能自卑聽蔡侯之義以達天子之命與師救蔡戰于柏舉大敗楚師成伯討之功善矣晉主夏盟中國所仰若嘉穀之望雨也有請于晉如彼其難吳國天下莫強焉非諸侯所能以也有請于吳如此其易故召陵之會大合諸侯而書侵楚柏舉之戰蔡用吳師特書曰以者深罪晉人保利棄義難於救蔡也然則何以不言救乎救大矣闔廬子胥宰嚭皆懷謀楚之心蔡人往請會逢其適非有救災恤鄰

從簡書憂中國之實也聖人道大德宏樂與人為善故因其從蔡特進而書爵囊瓦貪以敗國又不能死可賤甚矣故記其音註橫去出奔特貶而稱人春秋之情見矣音註聲長上聲峻音痊復扶又反敗必邁反易以鼓反歸音鄙反樂音洛見音現

庚辰吳入郢音註

郢楚都文王所遷

及楚人戰則稱爵入郢則舉其號何也君舍于其君之室大夫舍于大夫之室狄道也聖人誰毀誰譽救災恤鄰則進而書爵非有心於與之順天命也乘約肆淫則黜而舉號非有心於貶之奉天討也伐國者固將拯已於水火之中而鳩集之耳殺其父兄繫其子弟毀其宗廟遷其重器而亂男女之配也如水益深如火益熱則善小而惡大功不足以掩之矣聖人心無毀譽如鏡之無妍醜也因事物善惡而施褒貶焉不期公而自公爾明此

義然後可以司賞罰音註譽平

敬王十音五年音昭十四音鄭獻九音曹靖公露元年音陳
懷公柳元年音杞僖公過元年音宋景十
二音秦哀三十二音楚昭十一音吳闔廬十

春王三月辛亥朔日有食之

夏歸粟于蔡

於越入吳音註傳曰越人今日於越復從其舊

吳楚爭而後越入中國昭五年會于墳也越常
壽過始見於經而亟稱人後三十年而入吳不
復稱人矣晉楚之初春秋未以敵言之戰于邲
也則楚稱子矣吳楚之初春秋未以敵言之戰
于柏舉也則吳稱子矣至於吳越終春秋不以
以敵言之也是故越入吳書吳人越不書

六月丙申季孫意如卒

內大夫有罪見討則不書卒公子翬是也仲
遂殺惡及視罪與翬同而書卒者以事之變
卒之也意如何以書卒見定公不討遂君之
賊以為大夫全始終之理也定雖受國於季
氏苟有叔孫姑之見不賞私勞致辟意如以
明君臣之義則三綱可正公室強矣今苟於
利而忘其讎三綱滅公室益侵陪臣執命宜
矣故意如書卒主人習其讀而問其傳則未
知已之有音註見音現定雖受國於季氏苟
罪焉耳音註有叔孫姑之見不賞私勞事
見左傳昭公五年
辟音僻傳林戀反

秋七月壬子叔孫不敢卒音註姑之子即

冬晉士鞅帥師圍鮮虞

春秋

卷二十一

九

敬王十六年晉定八齊景四十四衛靈三十一

六年蔡昭十五鄭獻十曹靖二陳懷二

杞僖二宋景十三秦哀三十

三楚昭十二吳闔廬十一

春王正月癸亥鄭游速帥師滅許以許男斯

歸音註游速太叔子

二月公侵鄭音註自宣之季年凡伐不言公魯

侵鄭則以公山不狃侯犯陽虎之專也故曰

政逮於大夫四世矣故夫三桓之子孫微矣

公至自侵鄭

夏季孫斯仲孫何忌如晉

秋晉人執宋行人樂祁犁

稱人以執非伯討也祁犁聘于晉主趙簡子

飲酒焉獻楊楸六十范趙方惡其宰曰昔吾

主范氏今子主趙氏是賈禍也范獻子果怒

言於晉侯曰以君命越疆未致使而私飲酒

不敬二君不可不討也乃執樂祁執非無名

何以非伯討也使范趙方睦皆有獻焉則弗

執之矣執異國行人出於列卿私意威福之

柄移矣三家分晉而靖公廢為家人豈一朝

一夕之故哉音註飲於鳩反楸食允反惡如字

冬城中城

季孫斯仲孫何忌帥師圍郕

敬王十七年晉定九齊景四十五衛靈三十二

七年蔡昭十六鄭獻十一曹靖三陳懷

三杞僖三宋景十四秦哀三

十四楚昭十三吳闔廬十二

春秋

卷二十一

九

春王正月

夏四月

秋齊侯

景

鄭伯

獻

盟于鹹

音註

鹹衛地○此特相盟也特相盟

自齊桓以來未之有也於是再見諸侯無主盟矣是故書石門以志諸侯之合書鹹以志諸侯之散此春秋之終始也

齊人執衛

靈

行人北宮結以侵衛

齊侯衛侯盟于沙

音註

沙晉地

大雩

齊國夏帥師伐我西鄙

夏國佐孫

九月大雩

冬十月

敬王十

八年

晉

定十

齊

景四

十六

衛

靈三

十三

懷四卒

杞僖四

宋景十

五秦

哀

三十五

楚昭十四吳闔廬十三

春王正月公侵齊

景

公至自侵齊

二月公侵齊

三月公至自侵齊

曹伯露卒

音註

靖公卒子陽立

春秋

卷二十七

七

夏齊國夏帥師伐我西鄙

公會晉定師于瓦音註瓦衛地東郡燕縣東北有瓦亭○不曰會士鞅

而曰會晉師重師也鞅之戰公會晉師于上鄆不書諱之也四卿並將而以禽鄭自師逆公三家之張成於此矣故諱之也於是齊師伐我晉士鞅趙鞅荀寅救我公會晉師于瓦勿諱可也按左氏晉士鞅荀寅救魯則其書公會晉師何也春秋大法雖師次于君而與大夫敵至用大衆則君與大夫皆以師爲重而不敢輕也故萊林之會不言趙盾而言晉師瓦之會言晉師而不書士鞅於以見人臣不可取民有衆專主兵權之意陳氏厚施於齊以移民國季孫盡征於魯以奪其民皆王法音註所禁也春秋之義行則不得爲爾矣音註始施反智

公至自瓦

秋七月戊辰陳侯柳卒音註懷公卒子閔公越立

晉士鞅帥師侵鄭遂侵衛音註此其言遂何晉始伐與國也於

襄之二十二年齊始叛晉取朝歌去年鄭始叛晉盟于鹹衛始叛晉盟齊于沙於是侵鄭衛又明年及齊平雖魯亦叛晉矣

葬曹靖公

九月葬陳懷公

季孫斯仲孫何忌帥師侵衛

冬衛侯鄭伯盟于曲濮音註曲濮衛地

從祀先公音註

先公閔公僖公也陽虎欲去三桓而為此也

蜀人馮山曰昭公至是始得從祀於太廟其說也是也季氏逐君而制其死生之命公薨乾侯不得終於正寢既薨七月又不得以時歸葬既葬絕其兆域又不得同於先君而在墓道之南至孔子為司寇然後溝而合諸墓則其主雖久未得從昭穆而祔祭宜矣及意如已卒陽虎專季氏將殺季孫斯而亂魯國託於正以售其不正始以昭公之主從祀太廟蓋欲著季氏之罪以取媚於國人然其事雖順其情則逆春秋原情制法故不書禘事與日特曰從祀先公於盜竊寶玉大弓之上見事出陽虎而不可詳也其亦深切著明矣

音註

馮山字允迪普州人著春秋通解十二卷見音現

盜竊寶玉大弓音註

盜謂陽虎也寶玉夏后氏之璜大弓封父之繁弱○

書曰盜竊寶玉大弓魯無人之辭也是故陪臣皆不書書陽虎為盜是治陪臣也孔子之作春秋治至於陪臣斯極矣

敬王十年

九年

晉定十一年齊景四十七衛靈三十

元年陳閔公越元年杞僖五宋景十六秦哀三十六卒楚昭十五吳闔廬十四

春王正月

夏四月戊申鄭伯蠆卒音註

蠆敕邁反○獻公卒子聲公勝立

得寶玉大弓

穀梁子曰寶玉封圭大弓武王之戎弓周公受賜藏之魯或曰夏后氏之璜封父之繁弱也子孫世守罔敢失墜以昭先祖之德存肅敬之心耳古者告終易代弘璧琬琰天球夷

春秋

卷二十七

十三

玉兌之戈和之弓垂之竹矢莫不陳列非直
為美觀也先王所寶傳及其身能全而歸之
則可以免矣魯失其政陪臣擅權雖先公分
器猶不能守而盜得竊諸公宮其能國乎故
失之書得之書所以譏公與執政之臣見不
恭之大也此義行則有天下國家者各知所
守之職不音註璜音黃繁扶元反琬於院反
敢忽矣音註琰以冉反分扶問反見音現

六月葬鄭獻公

秋齊侯衛侯次于五氏音註五氏晉地○外會

未之有也於是再見其再見何中國無伯也齊
衛伐盟主則其不書伐何春秋重絕晉也於襄
之二十三年嘗書齊伐晉至是而不書何齊始
叛晉諸侯猶有盟主也前年鄭叛晉盟齊于鹹
衛叛晉盟齊于沙明年及齊平魯亦叛晉諸侯
無盟主矣有盟主非美事也無盟主非細故也

是故諸侯重絕晉也

秦伯卒音註秦公卒子惠公立

冬葬秦哀公

公之齊侯于之谷公至自夾谷音註

春秋胡傳卷之二十七 終

春秋 卷之二十七 終

齊侯納侯次十五氏音註
齊侯納侯次十五氏音註
齊侯納侯次十五氏音註

冬葬秦哀公
冬葬秦哀公
冬葬秦哀公

秦伯卒音註
秦伯卒音註
秦伯卒音註

春秋胡傳卷之二十八

定公下

敬王二十年
敬王二十年
敬王二十年
晉定十二年齊景四十八衛靈二十十年五蔡昭十九鄭聲公勝元年曹陽二陳閔二杞僖六宋景十七秦惠公元年楚昭十六吳闔廬十五

春王三月及齊平

夏公會齊侯于夾谷公至自夾谷音註

夾谷魯地漢東

海祝其縣有夾山

夾谷之會孔子相犁彌言於齊侯曰孔丘知禮而無勇若使萊人以兵劫魯侯必得志焉齊侯從之兩君就壇兩相相揖齊人鼓譟而起欲以執魯君孔子歷階而升不盡一等而

視歸乎齊侯曰兩君合好而裔夷之俘以兵
亂之非齊君所以命諸侯也裔不謀夏夷不
亂華俘不干盟兵不偏好於神為不祥於德
為愆義於人為失禮齊侯遽止之而屬其臣
曰夫人率其君與行古人之道二三子獨率
我入夷狄之俗使寡人獲罪於魯侯如之何
晏子曰小人之謝過也以文君子之謝過也
以質君已知過則謝之以質爾於是歸鄆謹
龜陰之田仲尼一言威重於三軍亦順於理
而已矣故天下莫大於理而強眾不與焉

音註

相息亮反譟素報反奸呼報反
偏彼力反屬章欲反與音預

晉趙鞅帥師圍衛

齊人來歸鄆龜陰田

音註

三邑皆汶陽田也
○未有言來歸田

者言來歸鄆龜陰田以是為齊人之願也齊
西言取謹闢言取鄆謹龜陰不言取以是

人之願則以夫子
相夾谷之會也

齊人前此嘗歸濟西田矣後此嘗歸謹及闢
矣而此獨書來歸何也曰歸者魯請而得之
也曰來歸者齊人心服而歸之也定公齊侯
會于夾谷孔子攝相事具左右司馬以從至
于會所以禮相見郟裔俘桓兵車之命而罷
享禮之設于野由是齊侯歸三邑以謝過故
楊子法言曰仲尼用於魯齊人章章歸其侵
疆桓公以義責楚而楚人求盟夫子以禮責
齊而齊人歸地皆書曰來序績也春秋夫子
之筆削自序其績可乎聖人會人物於一身
萬象異形而同體通古今於一息曰王異世
而同神於土皆安而無所避也於我皆真而
無所妄也其曰天之將喪斯文也後死者不
得與於斯文也天之未喪斯文也匡人其如
予何是以天自處

音註

濟子禮反相息亮反
從才用反妄音忘喪

息浪反
處上聲

叔孫州仇仲孫何忌帥師圍郕音註

郕魯邑東平無鹽縣

東南有郕鄉郕音后

秋叔孫州仇仲孫何忌帥師圍郕

郕叔孫氏邑也侯犯以郕叛不書于策書圍郕則叛可知矣再書二卿帥師圍郕則強亦可知矣天子失道征伐自諸侯出而後大夫強諸侯失道征伐自大夫出而後家臣強其逆彌甚則其失彌速故自諸侯出十世希不失矣自大夫出五世希不失矣陪臣執國命三世希不失矣三家專魯為日已久至是家臣爭叛亦其理宜矣春秋制法本忠恕施諸已而不顧亦勿施諸人故所惡於上不以使下所惡於下不以事上二三子知便

自張而不知家隸之擬其後也凡此類皆據事直書深切著明矣

音註 惡烏故反

宋樂大心出奔曹

宋公子地出奔陳

冬齊侯衛侯鄭游速會于安甫音註

安甫齊地

叔孫州仇如齊

宋公之弟辰暨仲佗石疆出奔陳音註

疆音

按左氏宋公子地有白馬四公以與桓魋地怒秩魋奪之魋懼將走公泣之母弟辰曰子為君禮不過出境君必止子地出奔陳公弗止辰為之請弗聽辰曰是我廷吾兄也吾以國人出君誰與處書曰宋公之弟辰暨仲佗石疆出奔陳其弟云者罪宋公以嬖魋故以

失二弟無親親之恩暨云者罪辰以見故師
其大夫出奔無尊君之義夫暨者不得已之
詞又以見仲佗后疆見脅於音註 魁徒回反
辰不能自立無大臣之節也音註 扶故互反
為于偽反延古况反
見音現脅睟業反

敬王二十有一年音定 十三齊 景四十九衛 靈
十一年陽三 陳閔三杞 僖七宋 景十八
秦惠二楚 昭十七吳 闔廬十六

春宋公之弟辰及仲佗后疆公子地自陳入于

蕭以叛音註 蕭宋邑

夏四月

秋宋樂大心自莒

蕭

出奔陳則稱暨入于蕭以叛則稱及及非不
得已之詞得已而不已者也夫事君者可貧
可賤可殺而不可使為亂今不得已而輕於
去國猶之可也得已不已而果於叛君則無
首從之別其罪一施之故不稱暨而稱及四
卿在蕭以叛而大心自曹從之其叛可知矣
故不書叛而曰入于蕭入逆詞也書自陳自
曹者結鄰國以入叛陳與曹之罪亦著矣

音註 從才用反 別筆列反

冬及鄭平音註 平不書必關天下之大故而後
書書輸平以志諸侯之合書及

鄭平以志諸侯之散此
春秋之所以終始也

叔還如鄭洫盟音註 叔還叔弓曾孫一云
叔詣曾孫還音旋

敬王二十有二年音定 十四齊 景五十衛 靈三
十二年蔡 昭二十一鄭 聲二曹

春秋

卷二十八

四

陽四陳閔四杞僖八宋景十九

春薛伯定卒音註襄公卒

夏葬薛襄公

叔孫州仇帥師墮郈音註墮毀也音墮郈叔孫

墮郈季孫斯墮費以是為三家之願也則以孔子之相魯也

衛公孟彊帥師伐曹音註孟彊孟縶子也彊苦侯反

季孫斯仲孫何忌帥師墮費

按左氏仲由為季氏宰將墮三都於是叔孫氏墮郈季氏將墮費公山不狃叔孫輒帥費人襲魯公與三子入季氏之宮登武子之臺費人攻之入及公則皆尼命申句須樂頤下

伐之二子奔齊遂墮費禮曰制國不過千乘都城不過百雉家富不過百乘以此坊民諸侯猶有叛者故家不藏甲邑無百雉之城禮所當謹也郈費成者三家之邑政在大夫三卿越禮各固其城公室欲張而不得也三桓既微陪臣擅命憑恃其城數有叛者三家亦不能制也而問於仲尼遂墮三都是謂以禮為國可以為之兆也推而行諸魯國而準則地方五百里凡侵小而得者必有與滅國繼絕世之義諸侯大夫各謹於禮不以所惡於上者使其下亦不以所惡於下者事其上上下交相順而王政行矣故曰苟有用我者期月而可三年有成音註句音劬願音祈坊與防同諸侯猶有叛者見坊記數色角反惡烏故反下同期音募

秋大雩

冬十月癸亥公會齊侯盟于黃音註黃齊地

十有一月丙寅朔日有食之

公至自黃

十有二月公圍成公至自圍成音註成孟氏邑○公行不

越竟不至至圍成危之也初作三軍三分公室而各有其一季氏盡征之叔孫氏臣其子弟孟氏取其半焉三家之強孟氏為有君也莫難於墮郈費成易耳而公自將圍成弗克是不足與有為也齊人歸女樂三日不朝是以微罪行也

按左氏將墮成公斂處父謂孟孫曰墮成齊人必至於北門且成孟氏之保障無成是無孟氏也子偽不知我將不墮書公圍成強也其致危之也仲由為季氏宰孔子為魯司寇

而不能墮成何也按是冬公圍成不克越明年孔子由大司寇攝相事然後誅少正卯與

聞國政三月而商賈信於市男女別於途及齊人饋女樂孔子遂行然則圍成之時仲尼雖用事未能專得魯國之政也而辭言亂政如少正卯等必肆疑沮於其間矣成雖未墮無與為比亦不能為患使聖人得志行乎魯國以及朞月則不待兵革而自墮矣

註斂力檢反相息亮反少詩照反賈音古別筆列反沮左呂反比毗至反

敬王二十三年晉定十五年齊景五十一衛靈公

曹陽五陳閔五杞僖九宋景二十秦惠四楚昭十九吳闔廬十八

春齊侯景衛侯靈次于垂葭音註垂葭衛地名即氏高平

鉅鹿縣西南有即亭

夏築蛇淵囿

大蒐于比蒲音註

比蒲地闕
比音毗

衛靈

公孟彊帥師伐曹

秋晉

定

趙鞅入于晉陽以叛音註

晉陽即太原別名

按左氏趙鞅謂邯鄲午曰歸我衛貢五百家吾舍諸晉陽午許諾歸告其父兄皆不可趙孟怒遂殺午圍邯鄲午荀寅之甥荀寅士吉射之姻也而相與睦遂伐趙氏鞅奔晉陽晉人圍之趙鞅之人拒范中行也而直書曰叛何也人臣專土與君為市則是篡弑之階堅冰之戒豈無以有已之義乎後世大臣有困於讒間遷延居外不敢釋兵卒以憂死者亦未明人臣之義故爾故直書入于晉陽以叛入者不照之辭叛者不赦之罪

音註

邯音寒鄲音丹午鞅同族舍如字
置也射食亦反行戶郎反間去聲

冬晉荀寅士吉射入于朝歌以叛音註

射食亦
食夜二

友○荀寅士吉射伐趙氏鞅奔晉陽韓魏伐范中行氏寅吉射奔朝歌鞅非始禍者也則曷為皆以叛書之春秋之季家有藏甲邑皆百雉之城矣鞅必奔晉陽吉射必奔朝歌則是皆叛也按左氏知文韓簡魏襄子與荀寅范吉射相惡將逐荀范言於晉侯曰君命大臣始禍者死載書在河今三臣始禍而獨逐鞅刑不均矣請皆逐之遂奉公以伐二子二子敗奔朝歌晉主夏盟威服天下及大夫專政賄賂公行內外離析示威平丘而齊叛辭請召陵而蔡叛盟于沙鹹而鄭叛次于五氏而衛叛蒞于鄭會于夾谷鞅于黃而魯叛諸侯叛于外大夫叛于內故奔于晉陽而趙鞅叛入于朝歌而荀寅與士吉射叛以晉國之大天下莫

強焉邦分崩而不能守也春秋於晉事或略而不序或賤而稱人或書侵以陋之責亦備矣至是三卿內叛直書于策見其效也故臧哀伯曰國家之敗由官邪也官之失德寵賂章也晉卿始禍緣衛貢也樂祁見執獻揚楯也蔡侯從吳荀寅貨也昭公弗納范鞅怒也而晉室自是不復能主盟矣故為國以義不利春秋之大法在焉見諸行事亦可謂深切著明矣

音註

見音現楯食允反復扶又反

晉趙鞅歸于晉

音註 樂盈魚石猶言入至鞅而後言歸則晉無人之辭也

此韓趙魏分晉之本也叛臣至于書歸則佚賊不足錄矣按左氏荀范奔朝歌韓魏以趙氏為請鞅入于絳盟于公宮然則書歸者易詞也韓魏為之請晉侯許之復而寅與吉射去國出奔則無有難之者故其歸為易矣三子之叛其罪

一也鞅以有援故得復寅吉射以無助故終叛春秋書鞅歸于晉非與之也以罪晉侯縱失有罪無政刑耳叛逆人臣之大惡始禍晉國之載書既不能致辟於鞅奉行天討以警亂臣又充不秉狗韓魏之請而許之復無政刑矣其能國乎先儒或謂言歸者以地正國也鞅取晉陽之甲以逐君側之惡人則其說誤矣以地正國而可是人主可得而脅人臣擅與無罪以兵諫者真愛其君也使後世賊臣稱兵向闕以誅君側為名而實欲脅君取國者則此說啓之也

音註

易以豉反為于偽反援於眷反辟音

關亢苦浪反脅胥業反

薛弒其君比

音註 比弒子惠公夷立又名寅

稱國以弒者當國大臣之罪也孫復以為舉國之眾皆可誅非矣三晉有國乎天下若皆

可誅刀鋸不亦濫乎頴川常秩曰孫復之於春秋動輒有罪蓋商鞅之法耳棄灰於道者有誅步過六尺者有罰其不即人心音註遠矣王回以是尚秩此善譏復者秩常

字夷甫宋嘉祐熙寧間人

敬王二十有四年晉定十六齊景五十二衛靈十四年

曹陽六陳閔六杞僖十宋景二十一秦惠五楚昭二十吳闔廬十九卒

春衛公叔戌來奔衛趙陽出奔宋

公叔戌將去南子之黨夫人愬曰戌將為亂故公叔來奔趙陽北宮結皆戌黨也故亦出奔而靈公無道不能正家以喪其大臣之罪著矣戌又以富見強於衛侯夫富者怨之府也使戌積而能散以財發身不為貪音註人之所怨於以保其爵位倘庶幾乎起去

古反喪息浪反惡鳥故反

二月辛巳楚公子結陳公孫佗人帥師滅頓以

頓子牂歸音註晉音牂○頓欲事晉而絕陳好故也

夏衛北宮結來奔音註北宮結公成黨

五月於越敗吳于檇李吳子光卒音註檇李今

典縣南有檇李城樵音醉○此越句踐元年也史記吳闔廬聞越允常死與師伐越句踐襲敗吳師射殺闔廬音註闔廬卒子夫差立

按左氏吳伐越句踐禦之患其整也使罪人三行屬劔于頸吳師屬目因伐之闔廬傷而卒書敗者詐戰也定公五年於越入吳至是敗吳於檇李會黃池之歲越又入吳悉書于

春秋卷二十八
史以其告也哀之元年吳子敗越樓句踐於會稽之上登獨不告而史策不書疑仲尼削之也吳子光卒夫差使人立於庭苟出入必謂已曰而忘越王之殺而父乎則對曰唯不敢忘三年乃報越然則夫椒之戰復父讎也非報怨也春秋削而不書以為常事也其旨微音註句古侯反行戶郎反屬章欲反會古矣音註外反稽古今反夫音扶差初佳反唯以水反

公會齊侯衛侯于牽音註牽衛地今魏城黎陽縣東北有牽城齊魯為會止此○晉人圍朝歌公會齊衛于暉上梁之間謀救范中行氏也○鄭得罪於王而齊挾之以以叛晉范中行得罪於君而齊挾之以撓齊景公問政子曰君君臣臣其以是歟公至自會

秋齊侯宋公會于洮音註

天王使石尚來歸賑音註

衛世子蒯聵出奔宋音註

世子國本也以寵南子故不能保世子而使之去國以欲殺南子故不能安其身至於出奔是輕宗廟社稷之所付託而恣行矣春秋兩著其罪故特書世子其義不繫於與蒯聵之世其國也而靈公無道不能正家以危其國本至使父子相殘毀滅天理之所由著矣

衛公孟彊出奔鄭音註

宋公之弟辰自蕭來奔

大蒐于比蒲音註

大蒐止此自舍中軍公不與兵政者四十年矣於是蒐比

蒲則以季孫斯叔孫州仇之墮費郈也故曰政逮於大夫四世矣故夫三桓之子孫微矣

邾子來會公音註會公于比蒲

城莒父及霄音註莒父霄二邑名父音甫

敬王二十有五年音註定十七齊景五十三衛靈十五年音註蔡昭二十四鄭聲六曹

陽七陳閔七杞僖十一宋景二十二秦惠六楚昭二十一吳夫差元年

春王正月邾子隱來朝

鼯鼠食郊牛牛死改卜牛音註鼯音奚

二月辛丑楚子滅胡以胡子豹歸

按左氏吳之入楚胡子盡俘楚邑之近胡者楚既定又不事楚曰存亡有命事楚何為

是楚滅之夫滅人之國其罪大矣然胡子豹乘楚之約盡俘其邑之近胡者所謂國必自滅而後人滅之非滅之者獨有罪也國君造命不可委命者既以為有命而又貪生忍辱不死于社稷則是不知命矣書以歸罪豹之不能死位而與歸也故楚子書爵而胡子豹名

音註吳之人楚定公四年為于僞反

夏五月辛亥郊

壬申公薨于高寢音註高寢宮名

鄭罕達帥師伐宋

齊侯景衛侯靈次于渠蔭音註渠蔭宋地

邾子來奔喪音註諸侯來奔喪於是始

秋七月壬申妣氏卒

八月庚辰朔日有食之

九月滕子來會葬

丁巳葬我君定公雨不克葬

戊午日下曷乃克葬

辛巳葬定妣

公羊曰有子則廟廟則書葬曾子問竝有喪則如之何子曰葬先輕而後重其奠也其虞也先重而後輕

冬城漆音註

漆魯邑

春秋胡傳卷二十八

終

春秋胡傳卷之二十九

附林堯叟音註括例始末

魯哀公上

公名蔣定公之子蓋夫人定妣所生謚法折仁短恭曰哀

周

敬王四十一年孔子卒魯哀公十九年敬王崩子元王立此據左傳載敬王崩故也按諸

本敬王崩皆不同或作哀公十七年十八年或作哀公二十年未詳孰是

鄭

聲公二十二年孔子卒

齊

景公五十四年魯哀公五年景公卒安孺子荼立是年弒悼公陽生立哀十年悼公弒子

簡公任立哀十四年田常弒簡公立其弟騫為平公而相之專其國權齊自是為田氏矣

宋

景公三十八年孔子卒

晉 定公十八年晉霸衰微魯哀公十三年而會吳黃池吳始稱伯定三十三年孔子卒靈公四十一年魯哀公二年靈公卒孫出公

衛 輒立是年六月晉納衛太子蒯聩于戚父子爭國哀十五年父蒯聩入是為莊公輒出奔哀十七年莊公出立公孫般師十二月齊伐衛立公子起執般師以歸哀

蔡 昭侯二十五年魯哀公四年昭侯弒于成公立成公十二年孔子卒伯陽八年魯哀

曹 公八年宋滅曹頃公十六年魯哀公四年頃公卒子隱公虞母立哀十一年隱公卒

陳 閔公八年魯哀公十六年楚滅陳殺閔公子儋公十二年魯哀公八年儋公卒子閔公維立

莒 公郊隱公十一年魯哀公七年魯入邾執邾子益哀八年歸吳又討邾子囚諸樓臺梏之以棘使諸大夫奉子革以為

邾 政哀十年邾子益來奔元公十年魯哀公十三年元公卒

許 元公十年魯哀公十三年元公卒

小邾 詳見昭公元年昭王二十二年魯哀公六年昭王卒子惠王章立哀十六年楚白公勝殺令尹子西攻惠王葉公攻白公白公自殺惠王復國哀十八年惠王卒

秦 惠公七年魯哀公三年惠公卒子悼公立魯哀公十八年悼公卒子厲共公立

吳

夫差二年魯哀公元年入越棲越會稽越行
成哀十年吳誅伍員哀十四年會晉黃池越

入吳哀二十年越圍吳

越

句踐二年魯哀公元年吳入越棲于會稽以
行成用大夫種范蠡為政哀十四年入吳哀

二十年圍吳哀二十一年始來聘魯哀二十

二年滅吳乃以兵北渡淮與齊晉諸侯會于

徐州周元王使人賜句踐胙命為伯當是時

越兵橫行於江淮東諸侯畢賀號稱霸王

敬王

元年晉定十八齊景五十四衛靈四十

閔

八年杞僖十二宋景二十三秦

患

七楚昭二十二吳夫差二

春王正月公即位

楚子

昭

陳侯

閔

隨侯許男

元

圍蔡

昭

音註

許矣

鄭滅

其再見何復正也復正有三辭莫善於自克復
者也是故襄王嘗書出已而書王則愈於敬王
歸矣春秋善復正襄王許男則善之善者也

按左氏曰報相舉也蔡人男女以辨使疆于

江汝之間夫男女以辨則是降也疆于江汝

則遷其國也而獨書圍蔡何也蔡嘗以吳師

入郢昭王奔隨壞宗廟徙陳器撻平王之墓

矣至是楚國復寧帥師圍蔡降其衆遷其國

而春秋書之略者見蔡宜得報而楚子復讎

之事可恕也聖人本無怨而怨出於不怨故

讎之輕重有至於不與其戴天者今楚人

禍及宗廟辱逮父母若包羞忍恥而不能一

酒之則不可以有立而天理滅矣故特書圍

蔡而稱爵怨音註降戶江反下同壞音

鼯鼠食郊牛改卜牛

夏四月辛巳郊

鼯鼠食郊牛敗卜牛志不敬也夏四月郊書不時也四卜非禮五卜強也全曰牲傷曰牛已牛矣其尚卜免之何也嘗置之上帝矣故卜而後免之不敢專也昔者周公郊祀后稷以配天此成王諒陰之時位豕宰攝國政行天子之事也魯何以得郊成王追念周公有大勲勞於天下而欲尊魯故賜以重祭得郊禘大雩然則可乎孔子曰魯之郊禘非禮也周公其衰矣欲尊魯而賜以人臣不得用之禮樂豈所以康周公也哉天子祭天地諸侯祭社稷大夫祭五祀庶人祭先祖此定禮也今魯得郊以為常事春秋欲削而不書則無以見其失禮盡書之乎則有不勝書者故聖人因其失禮之中又有失焉者則書于策所謂由性命而發言也聖人奚容心哉因事而書以誌其失為後世戒其垂訓之義大矣

音註

強其丈反周公郊祀后稷以配天據孝經見音現勝音升

秋齊侯衛侯伐晉

音註

伐夷儀不書書次五氏伐河內不書書次垂葭

公會齊衛于牽率狄師襲晉戰于絳中猶不書也諸侯之無伯春秋誠有不忍書也必於是而後書春秋蓋將終焉是故春秋之初諸侯無王者齊鄭宋魯衛也春秋之季諸侯無伯者亦齊鄭宋魯衛也

冬仲孫何忌帥師伐邾

隱

敬王二十二年音定十九齊景五十五衛靈四十七年音定十九蔡昭二十六鄭聲八曹陽九陳閔九杞僖十三宋景二十四秦惠八楚昭二十三吳天差三

春王二月季孫斯叔孫州仇仲孫何忌帥師伐

春火

卷二十九

四

邾隱

取鄆東田及沂西田音註

見三家之專兵權也

癸巳叔孫州仇仲孫何忌及邾子盟于句繹音

註

句繹邾地句音勾○自是內外盟皆不書不足書也

曷為列書三卿哀公得國不張公室三卿並將魯眾悉行伐國取地以盟其君而已不與焉適越之辱兆矣定公之薨邾子來奔喪事魯恭矣而不免於見伐徒自辱焉不知以禮為國之故也邾在邾域之中不加矜恤而諸卿相繼伐之既取其田而又強與之盟不知以義睦鄰之故也故詳書以著其罪三人伐則曷為二人盟盟者各盟其所得也莫強乎季孫何獨無得季氏四分公室有其二昭公伐意如叔孫氏救意如而昭公孫陽虎囚桓子孟孫氏救桓子而陽虎奔今得音註將去邾田益季氏以歸二家而不取也音註將去聲強

其文

反

夏四月丙子衛侯元卒音註

靈公卒蒯聩之子輒立

滕子來朝音註

滕朝止此

晉趙鞅帥師納衛世子蒯聩于戚音註

威衛邑○于戚

內弗受也輒拒父也後十三年而蒯聩入于衛衛侯輒來奔則是輒拒父也世子正也屬辭比事則輒萬世不可掩矣

世子不言納位其所固有國其所宜君謂之儲副則無所事乎納矣凡公子出奔復而得國者其順且易則曰歸有奉焉則曰自其難也則曰入不稱納矣况世子哉今趙鞅帥師以蒯聩復國而書納者見蒯聩無道為國人之所不受也國人不受而稱世子者罪衛人

之拒之也所以然者緣蒯聵出奔靈公未嘗有命廢之而立他子及公之卒大臣又未嘗謀於國人數蒯聵之罪選公子之賢者以主其國乃從輒之所欲而君之以子拒父此其所以稱世子也人莫不愛其親而志於殺莫不敬其父而忘其喪莫不慈其子欲其子之富且貴也而奪其位蒯聵之於天理逆矣何疑於廢黜然父雖不父子不可以不子輒乃據國而與之爭可乎故特繫納衛世子蒯聵于戚於趙鞅帥師之下而鞅不知義靈公與衛國大臣不能早正國家之

音易以豉反見本以致禍亂其罪皆見矣

秋八月甲戌晉趙鞅帥師及鄭罕達帥師戰于

鐵鄭師敗績

音註 鐵衛地在戚城南

冬十月葬衛靈公

十有一月蔡遷于州來蔡殺其大夫公子駟

州來吳所滅也蔡雖請遷于吳而中悔吳人如蔡納聘而師畢入蔡侯吉大夫殺公子駟以說哭而遷墓如此則實吳人之所遷也而經以自遷為文何也楚既降蔡使疆于江汝蔡人聽命而還師矣復背楚請遷于吳而又自悔也其謀之不臧甚矣夫遷國大事也盤庚五遷利害甚明衆猶胥怨不適有居至于丁寧反覆播告之修而後定也今蔡介于吳楚二大國之間背楚誑吳及其事急又委罪於執政其誰之咎也故經以自遷為文而殺公子駟則書大夫而稱國言君與用事大臣擅殺之也放公孫獵則書大夫而稱人言國亂無政衆人擅放之也駟與獵其以請遷于吳為非者乎而委之罪以說誰敢有復盡忠而與謀其國者哉

音註

說如字降戶江反還音旋背音佩復音伏介間廁反

敬王二十三年晉定二十齊景五十六衛出公輒陳閔十杞僖十四宋景二十五秦惠九卒楚昭二十四吳夫差四

春齊

景

國夏衛

出

石曼姑帥師圍戚

音註

在戚

而齊偕衛以圍之父子之義景公未之察也按左氏靈公遊于郊公子郚御公曰余無子將立汝對曰郚不足以辱社稷君其改圖君夫人在堂三揖在下君命祇辱靈公卒夫人曰命公子郚為太子君命也對曰郚異于他子且君沒於吾手若有郚必聞且亡人之子輒在乃立輒以拒蒯躄蒯躄前稱世子者所以深罪輒之見立不辭而拒其父也輒若可立則蒯躄為未絕未絕則是世子尚存而可以拒乎主兵者衛也何以序齊為首罪齊人與衛之為惡而黨之也公孫文仲主兵從鄭

而序宋為首以誅殤公石曼姑主兵圍戚而序齊為首以誅國夏訓天下後世討亂臣賊子之法也古者孫從祖又孫氏王父之字考於廟制昭常為昭穆常為穆不以父命辭王命禮也輒雖由嫡孫得立然非有靈公之命安得云受之王父辭父命哉故冉有謂子貢曰夫子為衛君子貢曰諾吾將問之入曰伯夷叔齊何人也曰古之賢人也曰怨乎曰求仁而得仁又何怨出曰夫子不為也伯夷以父命為尊而讓其弟叔齊以天倫為重而讓其兄仲尼以為求仁而得仁者也然則為輒者奈何宜辭於國曰若以父為有罪將從王父之命則有社稷之鎮公子在我焉得為君以為無罪則國乃世子之所有也天下豈有無父之國哉而使立乎其位如此則言順而事成矣是故輒辭其位以避父則衛之臣子拒蒯躄而輔之可也輒利其位以拒父則衛之臣子舍爵祿而去之可也烏有父不

慈子不孝爭利其國滅天理而可為者乎為首以誅殤公事見隱公四年焉於虔反

音註

祇音支公孫文仲主兵伐鄭而序宋

夏四月甲午地震

五月辛卯桓宮僖宮災

僖親盡矣其宮何以存季氏者出於桓立於僖世專魯國之政其諸以是為悅而不毀歟何以不稱及等也稱及則祖有尊卑矣或謂祖有功宗有德所以勸也則如之何曰孝子慈孫事其祖考仁也或七廟或五廟自是而衰禮也奚問其功德之有無也必若此言是子孫得選擇其祖宗而尊事之矣豈理也哉

音註

衰初危反殺也

季孫斯叔孫州仇帥師城啓陽

音註 啓陽魯邑今益都

沂州臨沂縣有故啓陽城

宋樂髡帥師伐曹

秋七月丙子季孫斯卒

蔡人放其大夫公孫獵于吳

音註 公孫獵公子駟之黨

冬十月癸卯秦伯卒

叔孫州仇仲孫何忌帥師圍邾

敬王二十四年齊定二十一齊景五十七衛出二十九 陳閔十一杞僖十五宋景二十六秦悼公元年楚昭二十五吳夫差五

春王二月庚戌盜殺蔡侯申

音註 昭侯殺子成侯立○書曰

盜疏且賤者也以為貴近無人也是故稱人稱國以殺是在宮者無人也稱盜以殺是在官者無人也

按左氏蔡侯將如吳諸大夫恐其又遷也公孫翩逐而射之卒然則翩非微者其以盜稱何也蔡侯背楚誑吳又委罪於執政其謀國如是則信義俱亡禮文並棄無以守身而自衛夫人得而害之矣故變文書盜以警有國之君也翩弑君而略其名氏姓與霍皆翩之黨稱國以殺而不去其官者二公孫蓋當謀國不使其君至於是非而弗見庸者也故書法如此而或者以翩非微者而稱盜蘇轍以謂求名而不得非矣天下豈有欲求弑君之名春秋又惜此名音註射食亦反背音佩蔡侯而不與者哉音註背楚誑吳又委罪於執政見二年音註夫起片反

蔡公孫辰出奔吳

音註

書公薨夫人姜氏孫子邾公子慶父出奔莒則

夫人慶父與聞乎弑矣書盜殺蔡侯申公孫辰出奔吳則公孫辰與聞乎殺矣

葬秦惠公

宋人執小邾子

夏蔡殺其大夫公孫姓公孫霍音註

姓音生又音性○皆

弑君

晉人執戎蠻子赤歸于楚音註

晉執戎蠻子不歸天子而歸于

楚是京師楚也

楚圍蠻氏蠻子赤奔晉楚謂晉曰晉楚有盟好惡同之若將不廢則寡人之願也不然將

春秋

卷二十九

九

通於少習以聽命趙鞅曰晉國未寧安能惡楚必速與之乃詐執蠻子以畀楚師其曰晉人云者罪之也蠻子亦何以名夷狄也無罪見執亦書名外之也文公執曹伯則曰畀宋人今此曷云歸于楚歸于楚者猶曰京師楚也晉主夏盟為日久矣不競至此春秋所惡

音註 奸呼報反惡烏故反少詩照反

城西郭

六月辛丑亳社災**音註**

亳步各反○亳社殷社也諸侯有之以為廟屏

所以戒亾國亾國之社有屋使不得上通於天故災

秋八月甲寅滕子結卒**音註**

頃公卒子隱公虞母立

冬十有二月葬蔡昭公

葬滕頃公

敬王三十五年晉定二十二年齊景五十八卒衛出十年

十二陳閔十二杞僖十六宋景二十七秦悼二楚昭二十六吳夫差六

春城毗**音註**

毗魯地頻夷反

夏齊侯景伐宋

晉定趙鞅帥師伐衛**音註**

衛助范氏故也

秋九月癸酉齊侯杵臼卒**音註**

景公卒子安孺子荼立

冬叔還如齊**音註**

還音旋

閏月葬齊景公

敬王三十二年六年晉定二十三年齊安孺子荼元年弒

三陳閔十三祀僖十七宋景二十八秦悼三楚昭二十七卒吳夫差七

春城邾瑕音註書城止此

晉定趙鞅帥師伐鮮虞

吳伐陳

夏齊國夏及高張來奔音註齊殺其大夫高厚

齊國夏及高張來奔齊陳乞弒其君荼聖人之垂戒深矣

叔還會吳于相音註還音旋相地

秋七月庚寅楚子軫卒音註昭王卒子惠王立

齊陽生悼公入于齊齊陳乞弒其君荼音註荼音

衛侯入于夷儀衛甯喜弒其君剽則喜為衛侯弒也齊陽生入于齊齊陳乞弒其君荼則乞為陽生弒也

陽生曷為不稱公子非先君之子也為人子者無以有已則以父母之心為心者景公命荼世其國已則篡荼而自立是自絕於先君豈復得為先君之子也不稱公子誅不子也陽生不子則曷為繫之齊春秋端木之書也正其本則事理陽生之不子也其誰使之然也不有廢長立少以啓亂者乎故齊景問政於孔子孔子對曰君君臣臣父父子子君不君則臣不臣父不父則子不子以陽生繫之齊著亂之所由生也然而弒荼者陽生與朱毛也曷為書陳乞初景公謂陳乞吾欲立荼何如對曰所樂乎為君者欲立則立之不欲

立則不立也君如欲立則臣請立之陽生謂
 乞曰吾聞子蓋將不欲立我也對曰千乘之
 主將廢正而立不正必殺正者吾不立子者
 所以生子也與之玉節而走之魯景公死茶
 立陳乞使人迎陽生冥諸家召諸大夫而示
 之曰此君也諸大夫知乞有備不得已逡巡
 北面再拜而君之爾故里克中立不免殺身
 之刑陳乞獻諛終被弑君之罪是皆不明春
 秋之義陷於大音註為人子者無以有已見
 惡而不知者也音註家語註謂身父母所有
 也復扶又反長展兩反少詩照
 反樂音洛乘細證反被皮寄反

冬仲孫何忌帥師伐邾

宋景向巢帥師伐曹

敬王三十七年晉定二十四齊悼公陽生元年衛
 出五蔡成三鄭聲十三曹陽十四

陳閔十四和僖十八宋景二十九
 秦悼四楚惠主章元年吳夫差八

春宋悼皇瑗帥師侵鄭音註瑗于
 春反

晉定魏曼多帥師侵衛音註曼音
 萬

夏公會吳夫于鄆音註鄆舊
 鄆國

秋公伐邾隱八月己酉入邾以邾子隱益來

春秋隱君之惡故滅國書取婉以成章而不
 失其實也恃強凌弱無故伐人而入其國處
 其宮晝夜掠以其君來獻于亳社囚于負瑕
 此天下之惡也吳師為是克東陽齊人為是
 取吾二邑辱國亦甚矣何以備書于策而不
 諱乎聖人道隆而德大人之有惡務去之而
 不積也則不念其惡而進之矣以邾子益來
 惡也歸邾子益于邾是知其為惡能去之而

不積也故書以邾子來而不諱者欲見後書歸邾子之為能去其惡而與之也聖人之情見矣明此然後可以操賞罰之權不明乎此以操賞罰之權而能濟者鮮矣
音註
滅國書取婉以成章見左傳吳師為是克東陽齊人為是取吾二邑並在明年去起呂反見音現下同操倉刀反鮮上聲

宋景人圍曹陽

冬鄭駟弘帥師救曹

音註

自魯救晉晉楚之救皆不書六

十年矣其再見以中國無伯而諸侯自相救也諸侯自相救猶可也吳救陳諸夏亦幾於亡矣

春秋胡傳卷之二十九終

春秋胡傳卷之三十

哀公下

敬王三十八年晉定二十五齊悼二衛出六蔡成
十三年杞僖十九卒宋景三十
十五杞僖十九卒宋景三十
秦悼五楚惠二吳夫差九

春王正月宋公

景

入曹以曹伯陽歸

音註

檜亡東周

之始曹亡春秋之終夫子之刪詩也繫曹檜於國風之後於檜之卒篇曰思周道也傷天下之無王也曹之卒篇曰思治也傷天下之無伯也

此滅曹也曷為不言滅滅者亡國之善辭上下之同力也曹伯陽好田弋鄙人公孫彊獲白雁獻之且言田弋之說因訪政事大說之疆言霸說於曹伯因背晉而奸宋宋人伐之

晉人不救書宋公入曹以曹伯陽歸而削其見滅之實猶虞之亾書晉人執虞公而不言滅也春秋輕重之權衡故書法若此有國者妄聽辯言以亂舊政自取滅亾之禍可以鑒矣

音註

好呼報反說音悅背音佩奸音干

吳伐我

吳為邾故典師伐魯兵加國都而盟于城下經書伐我不言四鄙及與吳盟者諱之也來戰于郎直書不諱之盟于城下何諱之深也楚人圍宋易子而食析骸而爨亦云急矣欲盟城下則曰有以國斃不能從也晉師從齊齊侯致賂晉人不可國佐割曰子若不許請合餘燼背城借一敝邑之幸亦云從也遂盟于袁婁而春秋與之今魯未及虧不能少待遂有城下之盟是棄國也夫棄國者其能國乎使有華元國佐之臣則不至此矣故春秋

不言四鄙及與吳盟者欲見其實而深諱之以為後世謀國之士不能以禮義自強偷生惜歿至于侵削陵遲而不知恥者之戒也

音註

為于偽反燼似刃反背音佩華戶化音現

夏齊人取讙及闡歸邾子益于邾

音註 闡魯地在東平

剛縣北闡尺善反

秋七月

冬十有二月癸亥杞伯過卒

音註

僖公卒子閔公維立音戈

齊人歸讙及闡

按左氏邾子益齊出也魯以益來則齊人取讙及闡又如吳請師而怒猶未怠也以此見

國君之造惡不悛則四鄰謀取其國家莫能保矣歸邾子益于邾則齊人歸讜及闡又辭師于吳而德猶未泯也以此見國君去惡而不積則四鄰不侵其封境而自安矣曰以日取者逆詞也曰歸者順詞也去逆效順息爭休兵齊無取地之罪魯無失地之辱以此見遷善之優改過之大而春秋不諱入邾以邾子益來者以明歸益于邾之能掩其前惡而美之也

音註

造在早反悛音銓去起呂反下同

敬王三十九年晉定二十六年齊悼三衛出七蔡成十四年宋景三十一秦悼元年宋景三十一秦悼六楚惠三吳夫差十

春正二月葬杞僖公

宋景

皇瑗帥師取鄭

聲

師于雍丘

音註 雍丘地今

縣屬陳留郡 雍于勇反

夏楚人伐陳

閔

秋宋公伐鄭

聲

冬十月

敬王三十九年

晉定二十七齊悼四卒衛出八蔡十五年成六鄭聲十六陳閔十七杞閔二

宋景三十二秦悼七楚惠四吳夫差十一

春王二月邾子益來奔

公會吳

夫差

伐齊三月戊戌齊侯陽生卒

音註 悼公

弒子簡公壬立

春秋

卷三十一

三

按左氏公會吳伐齊齊人弒悼公赴于師春
秋不著齊人弒君之罪而以卒書者亦猶鄭
伯髡頑弒而書卒不忍以夷狄之民加中國
之君也其存天理之意微矣魯人入邾以其
君來罪也齊侯為是取讎及聞如吳請師討
之也魯人悔懼歸益于邾是知其罪而能改
也齊侯為是歸讎及聞又辭師于吳是變之
正也夫變之正者禮義之所在中國之君也
吳人欲遂前言而背違正理狹道也齊之臣
子不能將順上及其君此天下大變常理之
所無也故沒其見弒之禍而以卒書其旨深
矣春秋弒君大惡不待貶絕而自見也君而
見弒豈無不善之積以及其身乎若夫悼公
變而克正則無不善之積矣故以卒書而沒
其弒所謂不忍以夷狄之民加中
國之君也而存天理之意微矣

下同夫音扶背音佩見音現

音註 為于偽反

夏未人伐鄭聲

晉定趙鞅帥師侵齊

五月公至自伐齊

葬齊悼公

衛公孟彊自齊歸于衛

薛伯夷卒音註惠公卒

秋葬薛惠公

冬楚公子結帥師伐陳閱吳救陳音註此延州來季子

也不書誼不在季子也吳救陳諸夏幾于亡也

春秋

卷三十一

四

春秋惡首亂善解紛自誅亂臣討賊子之外
凡書救者未有不善之也救在遠國則罪四鄰晉陽
侯子突救衛是也救在夷狄則罪中國楚公子
處父救江是也救在夷狄則罪中國楚公子
貞救鄭狄救齊吳救陳是也吳雖蠻夷之國
來會于戚則進而書人矣使季札聘則又進
而書子矣救而果善曷為獨以號舉而不進
之也其以號舉而不進之者深著楚罪而傷
中國之哀也陳者有虞之後嘗為楚滅而僅
存耳今又無故與師肆行侵伐而列國諸侯
縱其暴橫不能修方伯連帥之職而吳能救
之故獨以號舉深著楚罪而傷中國之哀也
子欲居九夷乘桴浮于海而曰夷狄之有
君不如諸夏之亾也其書吳救陳之意乎
音
註惡鳥故反橫去
聲帥所類反
敬王三十有一年
晉定二十八年齊簡公壬元年
衛出九蔡成七鄭聲十七陳

閔十八杞閔三宋景三十三
秦悼八楚惠五吳夫差十二

春齊悼國書帥師伐我

諸侯來伐無有不書四鄙者今齊師及清涉
泗非有城下之盟可諱之辱亦書伐我何也
傅說復于高宗曰惟甲冑起戎惟于戈省厥
躬夫省厥躬者自反之謂也自反而縮則為
壯自反而不縮則為老師之老壯在曲直曲
直自我而不繫乎人者也邾子齊之甥魯嘗
入邾以其君來齊人為是取讜及闡請師于
吳曲在我也又歸邾益而齊人歸讜及闡又
辭吳師直在齊矣魯人何名會吳伐之也故
春秋之記斯師特曰伐我者欲省致師之由
而躬自厚也垂
訓之義大矣
音註說音悅為
于偽反

夏陳轅頗出奔鄭

春秋 卷三十 五

五月公會吳伐齊

甲戌齊國書帥師及吳戰于艾陵齊師敗績獲

齊國書

音註 艾陵齊地齊魯交兵止此

秋七月辛酉滕子虞母卒

冬十有一月葬滕隱公

衛世叔齊出奔宋

敬王三十七年

十有二年

晉定二十九齊簡二衛出十蔡成八鄭聲十八陳閔十九

杞閔四宋景三十秦悼九楚惠六吳夫差十二

春用田賦

音註 以兵賦一乘為未足又以田賦之也田賦之也者家一人也

一人管子內政之法也諸侯之益兵自齊始晉次之州兵是也春秋之季魯亦行之矣是故作

丘甲用田賦不書初

哀公問于有若曰年饑用不足如之何有若對曰盍徹乎曰二吾猶不足如之何其欲也曰百姓足君孰與不足百姓不足君孰與足古者公田什一助而不稅魯自宣公初稅畝後世遂以為常而不復矣至是二猶不足故又以田賦也夫先王制土籍田以力而賦其遠邇賦里以入而量其有無今用田賦軍旅之征非矣田以出粟為主而足食賦以出軍為主而足兵周制宅不毛者有里布無職事者征夫家漆林之稅二十而五則弛力薄征當以農民為急而增賦竭作不使末業者獨幸而免也今二猶不足而用田賦是重困農民而削其本何以為國書曰用田賦用者不宜用也近世議弛商賈之征達於時政者欲

先省國用首寬農民後及商

音註

賈音古省所景反

夏五月甲辰孟子卒

孟子吳女昭公之夫人其曰孟子云者諱取同姓也禮取妻不取同姓買妾不知其姓則卜之厚男女之別也同姓從宗合族屬異姓主名治際會名著而男女有別矣四世而總服之窮也五世而免殺同姓也六世親屬竭矣其庶姓別於上戚單於下昏姻可以通乎綴之以姓而弗別合之以食而弗殊雖百世而昏姻不通周道然也昭公不謹於禮欲結好強吳以去三家之權忍取同姓以混男女之別不命於天子以弱其配不見於廟不書於策以廢其常典禮之大本喪矣其失國也宜故陳司敗問昭公知禮乎子曰知禮子退揖巫馬期而進之曰吾聞君子不黨君子亦黨乎君娶於吳為同姓謂之吳孟子君而

知禮孰不知禮巫馬期以告子曰丘也幸苟

有過人必知之書孟子卒雖曰為君隱而實

亦不可 **音註** 取音娶後同買妾不知其姓則

揜矣 **音註** 卜之見山禮別筆列反下同免

音問殺色界反食音嗣好呼報反去

上聲見音現喪息浪反為于為反

公會吳

夫

于橐臯 **音註**

橐臯吳地在淮南邊

秋公會衛侯宋

景

皇瑗于郎 **音註**

郎吳地即發

汝陽縣東南有發絲亭

鄭音云○卒辭吳盟

宋向巢帥師伐鄭

聲

冬十有二月螽

敬王三十八年

十有三年

音定三十齊簡三衛出十一
蔡成九鄭聲十九**陳**閔二十

春秋

卷三十一

七

春秋

卷三十一

杞閔五宋景三十五秦悼
十楚惠七吳夫差十四

春鄭罕達帥師取宋

景

師于岳

岳地缺
音巖

夏許男成卒

音註
元公

公會晉侯

定

及吳子

夫

于黃池

音註
書會晉侯
及吳子兩

伯之
辭也

黃池衛地其言及者會兩伯之辭也春秋內中國而外諸夷吳人主會其先晉紀常也春秋四夷雖大皆曰子吳僭王矣其稱子正名也以前會兩伯之詞而言及者先吳則拂經而失序列書則泯實而傳疑特書曰及順天地之經著盟會之實又以見夷狄之強而抑其橫也定公以來晉失霸業不主夏盟夫差暴橫勢傾上國自稱周室于已為長蓋太伯之

後以族屬言則約父也而黃池之會聖人書法如此者訓後世治中國御四夷之道也明此義則知漢宣帝待單于位在諸侯王上蕭傳之議非矣唐高祖稱臣于突厥倚以為助劉文靖之策失矣何況于以父事之如石晉者將欲保國而免其侵暴得乎或曰苟不為此至于亾國則如之何曰存亾者天也得失者人也不可逆者理也以人勝天則事有在我也居乎故春秋撥亂反正之書不可以廢焉者

音註

夫音
扶

楚

惠

公子申帥師伐陳

閔

於越入吳

吳自柏舉以來憑陵中國黃池之會遂及夏盟可謂強矣而春秋繼書於越入吳所謂因

春秋

卷三十一

事屬辭垂戒後世而見深切著明之義也會
子曰戒之戒之出乎爾者反乎爾老氏曰佳
兵不祥之器其事好還夫以力勝人者人亦
以力勝之矣吳嘗破越遂有輕楚之心及其
破楚又有驕齊之志既勝齊師復與晉人爭
長自謂莫之敵也而越已入其國都矣吳侵
中國而越滅之越又不監而楚滅之楚又不
監而秦滅之秦又不監而漢滅之老氏曾子
其言豈欺也哉春秋初書於越入吳在相舉
之後再書於越入吳在黃池之後皆因事屬
辭垂戒後世不待貶絕而見音註屬章欲反
深切著明之義也而可廢乎音註見音現下
同戒之戒之出乎爾者反乎爾見孟子佳兵
不祥之器其事好還見道德經長展兩反

秋公至自會

晉定魏曼多帥師侵衛

葬許元公

九月螽

冬十有一月有星孛于東方

盜殺陳夏區夫音註夏上聲區音謳

十有二月螽

敬王三十九年十有四年晉定三十一齊簡四衛出十

悼十一杞閔六宋景三十六秦

春西狩獲麟

河出圖洛出書而八卦畫籙韶作春秋成而
鳳麟至事應雖殊其理一也易曰大人者先

春秋

天而天弗違後天而奉天時舜孔子先天者也先天而天弗違志壹之動氣也伏羲氏後天者也後天而奉天特氣壹之動志也行見乎此者則曰文成而麟至無見乎此者以為妖妄而近誣周南關雎之化王者之風而麟之趾關雎之應也召南鵲巢之德先公之教而騶虞鵲巢之應也世衰道微暴行交作臣弑其君者有之子弑其父者有之天子為是作春秋明王道正人倫氣志天人交相感勝之際深矣制作文成而麟至宜矣商王恭默思道帝資良弼得於傅巖周公欲以身代其兄植璧秉珪而武王疾愈啓金縢之策天乃反風出罪已之言災惑退舍至于勇夫志士精誠所格上致日星之應召物產之祥蓋有之矣况聖人之心感物而動見于行事以遺天下與來世哉蕭韶九奏鳳儀于庭魯史成經麟出于野亦常理耳詩以正情書以制事禮以成行樂以養和易以明變垂教亦備矣

則易為作春秋子曰我欲載之空言不如見之於行事之深切著明也知我者其惟春秋乎何以約乎魯史子曰我欲觀夏道是故之杞而不足徵也我欲觀殷道是故之宋而不足徵也我觀周道幽厲傷之魯何適矣何以始乎隱公三綱淪九法斃天下無復有王也何以絕筆于獲麟其以天道終乎聖人之于天道命也有性焉君子不謂命也是故春秋天子之事聖人之用撥亂反正之書考諸三王而不繆建諸天地而不悖質諸鬼神而無疑百世以俟聖人而不惑其于格物修身齊家治國諸天下無所求而不得亦無所處而不當倘莫學夫春秋故君子誠有樂乎此也由仲尼至于孟子百有餘歲若顏曾則見而知之若孟子則聞而知之由孟子而來至于今千有餘歲矣其書未亾其出于人心者猶在蓋有不得已焉耳

音註

應于證反下
同易曰大人

者先天而天弗違乾文言先悉薦反下同後
 胡豆反下同行下孟反為于偽反見音現下
 同遺唯季反微知陵反敦音妬復扶又反考
 諸三王而不繆建諸天地而不悖質諸鬼神
 而無疑百世以俟聖人而不惑
 惑本中庸繆音繆樂音洛

人

[Faint bleed-through text from the reverse side of the page]

[The reverse side of the page is mostly blank with some faint, illegible markings.]

